

列
朝
詩
集

列朝詩集

甲集第一

劉誠意基犁眉公集一百二十七首

覽參政璉一十五首

閣門環七首

小誠意薦二首

劉誠意基

犁眉公集者故誠意伯劉文成公庚子二月應聘以後入國朝佐命垂老之作也余考公事略合觀覆瓿犁眉二集竊窺其所爲歌詩悲惋衰颯先後異致其深衷託寄有非國史家狀所能表其微者每慨然傷之近讀永新劉定之呆齋集揆其鄉人王予讓詩集序云子讓當元時舉于鄉從藩省辟佐主帥全普庵勘定江湖間志弗遂歸隱麟原終其身弗仕余讀其詩文深惜永嘆嗟乎子讓其奇氣硃吼胸臆猶若佐全普庵時以未裸將周京故也有與子讓同出元科目佐石抹主帥定發越幕府倡和其氣亦將掣碧海弋蒼旻後扳附龍鳳自擬留文成然有作噫喑鬱伊捫舌駢顏曩昔氣漸滅無餘矣呆齋之論其所以責備文成者亦已苛矣雖然史家

鋪張佐命論蹙項之殊勲永新留連幕府惜爲韓之雅志其事固不容相掩其義亦各有攸當也誦犁眉之詩而推見其心事安知不以永新爲後世之子雲乎謹撰定犁眉公詩居國朝甲集之首而子若孫之詩附見焉

漢宮曲

小雨如烟畫掩扉捲簾忽見燕雙飛不知春色能多少總向昭陽柳上歸

江上曲

四首

紫桂香銷五夜霜碧雲收盡玉蟾光琅玕不是人間樹何處朝陽有鳳凰
月出前山青黛寒鴈聲遙下碧雲端艸根錯認驪珠吐自是西風白露圓
宿鴈來時月滿洲千今雁去月如鉤鴈來鴈去何時了月照離人又白頭
紅蓼丹楓一色秋楚雲吳水共悠悠人間萬事西風過惟有滄江日夜流

寒夜謠

二首

良夜悠悠星河滿天風吹窗櫺聲如管絃無酒可飲寒不能眠枯腸飢鳴
百慮交煎人生一世不滿百年寤寐懷思曷維其然內省不疚有愧聖賢
今夕何夕歲聿其徂艸木彫落山川縈紆瞻彼鴻鴈拂翼天衢離離和鳴
載悠載徐雖無羽翰心與之俱華月出雲青鐙在隅歌以寫懷云何其吁

長歌續短歌

短歌調促情苦悲長歌引愁無絕期短聲欲盡長聲續似是荆山人泣玉
悲哉荆山泣玉人但知貴玉不貴身縱令哭盡歌堪聽何異春花委路塵
古稱悲歌可當哭傷心如中金石鏃更不必聽蔡琰笳又不必聽斬離筑
長歌飄揚徹九天短歌嗚咽入九泉徒言歌哭兩情異誰知歌聲尤可憐

望行人

朝聽乾鵲鳴暮見燈花結鵲鳴燈結無定期鏡裏青雲看成雪人生百歲
難長保天上孤鸞海中老酒酒逝水不回西灼灼秋花幾時好一朝復一
朝一夕復一夕只恐君心念妾時妾身已作山頭石

旅興四十首

初秋積雨過衆綠光如濡莎雞啼高樹蟋蟀鳴堦除時物已改故芳年從
此徂榮名非我願守分敢求餘登樓眺遠郊肆目望天衢明月出雲中魚
我華髮疎還歸掩關卧夢到園田居

憶年二三十笑人不能勤誦書欲萬言落筆飛煙雲有朋自遠來講論窮
朝黷一藝恥不知高蹈躡前聞寧知有衰老耳聾目如熏身世且未保況

敢言功勲

老不與懶期身老懶自至懶不與傲期力憊難強事茫茫視天宇忽忽心如醉勞生諒何庸顧爲形所累弱水隔蓬萊安得生兩翅

秋風肅萬物百蟲競號鳴蟋蟀最可憐切切悲其生屣履步庭除素月圓且明翫之不可掇渺焉忽西傾回身掩房闔愴怛煩慮盈太息以終宵展轉難爲情

微福非所希避禍敢不慎富貴實禍樞寡欲自鮮吝疏食可以飽肥甘乃鋒刃探珠入龍堂生歎在二隣何如坐蓬蒿默默觀大運

死別不可追生別那可思悼徃恨節俱待來悲時遲人生百歲間苦樂相牽攀念生復念死何時一開顏登高望八荒目睠飛鳥還有願不克遂及下空潺湲

秋氣雖可悲秋色亦可悅寥寥天宇曠皎皎縣象晰鴈來山葉紅龍卧江潭潔彼美黃金花含英耀窮節佳人不可期明月圓復缺空庭夕陰盡露艸白如雪佇立望四方彌使憂念結

窮巷屏人跡開門見青山青山似故鄉客子何當還蟋蟀日夜鳴綠樹亦

已殷白日駛西征浮雲不可攀安得生羽翼奮飛出玄間

雨來群山暗雨過群山明山明猿鳥喜山暗猿鳥驚歲暮陰風起白日西

南傾寒蟬枝上號阜螽艸間鳴人生非艸木能無感中情

赤霞變玄雲風起烟霧塞颼颼木葉響墮墮原野黑青泥沒委巷關塞生

咫尺水深蛟龍恣山濕鳥獸寂留滯荷戈人艱難去鄉客翹首望太陽憂

思萃朝夕

望舒乘罕車潛輪躍重淵二儀烟霧交九澤風雲連丘陵冒潢潦溝澮成

通川鵲鶴失其巢猿猴鳴可憐蛙黽一何樂喧呼聒宵眠

曼景無還暉霜露凄已繁松栢坐楸檟桃李更何言旦夕悲風起黃沙蔽

平原萬物盡凋落芳華誰獨存我願化爲鶴不願化爲猿鶴鳴聲聞天猿

鳴烟雨昏空林夜寥寂踟躕傷精魂

西風吹碩果艸茅思索綯撼撼卉木零唧唧寒蟲號百川日夜流泰山何

其高沉浮自有定汲汲無乃勞

久雨得晚霽豁然如醉醒幽花銜餘紅遠峰出孤青獨坐無與娛靖蛸吟

空庭良辰能幾何逝者忽如傾歎歌欲自慰歌竟還傷情

微風振簷鐸，瑤如環珮響。登高看秋色，俯見明月上。木落天地寬，雲散川原廣。來者不可期，逝者日已往。離居豈無懷，惻愴縈遠想。

日暮登高臺，流目盼雲間。雲間有明月，窈窕芙蓉顏。光輝被四表，萬古一往還。惜無騰化術，仰之不能攀。

江上秋風急，天寒鴈南歸。客子賸長途，中心一何悲。顧瞻望四方，有懷當告誰。霜露日夜零，百卉厭其枝。衰謝不待期，榮盛安可追。太息復太息，愴恨涕沾衣。

薄雲歛微雨，返照涵空煙。黃葵間紅蓼，爛若濯錦鮮。老病苦無歡，坐爲憂所纏。自恨非松喬，不能還少年。援琴寫此曲，曲盡心茫然。

翻鷗搏扶搖，九萬一奮翅。騶騶驟康莊，瞬息千里至。谷斷穴坎窞，鴟鵂集蓬蔚。偏仄豈不憐，飲啄亦何忌。夸父空有勇，精衛良無智。翼折海未枯，身債杖徒棄。何如抱區區，保已遺世事。

倦鳥翼安巢，風林無靜柯。路長羽翼短，日暮當如何。登高望四方，但見山與河。寧知天上雨，去爲滄海波。慷慨對長風，坐感玄髮皤。弱水不可航，曾城吸嗟我。淒涼華表鶴，太息成悲歌。

病身如朽木蟪蛄群萃之生意已無多雨露空其滋晨興步庭除足弱幾
不持論年未應爾胡爲遽如期大塊播萬形一軀非我私暫假終必還但
有速與遲居易以俟命聖言豈吾欺

上古人一心生榮死同哀末世自爲心骨肉多嫌猜沉沉十日雨漫漫百
畝苔苔深車輪沒平路生蒿萊嗚呼張仲蔚衡門何由開

疎庸厭人事疲病畏交游得閑願已愜敢有分外求開門對鍾山山翠盈
我眸日中市聲遠艸綠空庭幽登臨觀萬象玄理足可搜誰能走逐逐自
使生悔尤

別離多苦懷三年當百載來者非所知往者今安在浮雲旦夕起白日埋
光彩天地亦有形豈能長不改去去東園公紫芝猶可采

晨興梳短髮庭樹生秋風萬物有容色與故各不同碩實屬老成天桑怨
童蒙英英黃金花旒旒清露叢歲暮等淪落何異蒿與蓬

庭前艸華發夜涼螢火流有懷不能寐超望女與牛那無一葦航繁念空
悠悠淚如宵露零散漫不可收

忡忡坐虛室曖曖日向暮空烟歛曾岑暝色半高樹緬邈起遐思逍遙

輕步嬋娟天上月的
樂州間露物情豈異昔人事殊非故芳歲不可淹衰
年況多慮諒無彭鏗術頽齡那能駐

天天芙蓉花向晚猶媚嫵娟娟明月輝粲粲當庭戶寒衾耿長夜夢寐
自語勞生邁六極老病在羈旅將思訴穹玄恨無搏風羽

大火沒西南晝短宵已長志士鬱慷慨老年怨淒涼蕭蕭艸蟲鳴肅肅蒼
隼搏物情各有定人意苦不常跼步陟崇丘流目睎康莊寧爲歎段繁
作騏驎良歎段駕鼓車道里有限量騏驎被重甲力盡百戰場死骨賣千
金雖貴亦何償

黃鵠之鳳凰翔不下梧桐化爲根傷懷不可道憂念何時已

吾觀穹壤間萬變皆有窮何如順天道原始以知終清晨攬衣起絺綌生
秋風雖離鳴鴈來灼灼酸棗紅悵焉念所思悲感集子衷佳期在何許瑤
州成枯蓬佇立望日月勞心極慙慙

鳥鳴朝啞啞鵲鳴暮啞啞聞鵲旣不喜聞鳥復何憂世人務苟得君子絕
外求滄浪迅風波無風卽安流胡爲自冰炭以貽達者羞

嚴風萃群有蠅蚊亦無多所憎雖去眼若此歲晏何中夜攬衣裳起視星
與河出雲未還山落葉早辭柯沉思不成寐大息繼以歌

寒燈耿幽幕蟲鳴清夜闌起行望清天明月在雲端美人隔千里山河杳
漫漫玄雲翳崇岡白露凋芳蘭願以綠綺琴寫作行路難憂來無和聲絃
絕空長歎

秋山青如烟秋月白如水登高俯空曠咫尺見千里悠悠孤雲行嫋嫋涼
風起涼風吹客衣客心隨風飛願作滄海潮朝來莫還歸

久旱艸不生一雨青滿地新萐與舊枿好醜各自媚喈喈黃鶯吟習習玄
鳥至閑庭人跡稀白日澹清氣平生孟公綽底足無妄覲但願長若斯撥
置身外事

江城夜來雨雷音亦何砰今晨視郊原艸木皆發榮雙雙布穀兒來我墻
上鳴園蔬猶可藝無忘及時耕倦翮得安巢感荷天地生

秋高潦水涸旻天亦淒清枯籜響悲音羈蟲振餘聲墮墮落日暉慘慘游
子情風林無定枝馳車鮮安旌自愧匪賢達默默嗟其生

山鬼處幽篁自分不見天寧知無私照及此暗井泉倦鳥思故林窮魚思

故淵感荷實難忘庶其保終年

鍛羽畏高風疲馬厭長道玄陰促暮節何物能不老自非松柏質敢與出
衆艸登山臨流水及此晴日好春芳藹蘭蕙秋實栗杭稻黃精肥可食石
泉清可澡榮名何足言息心以爲寶

過蘇州九首

姑蘇臺下垂楊柳曾爲張王護禁城今日淡烟芳艸裏暮蟬猶作管絃聲
如蘇臺下垂楊柳落葉蕭蕭日暮風天地山河有真主迎來送往總成空
憶昔吳宮無事時滿城楊柳舞西施如今柳盡西施死恨殺當年陌上兒
陌上清歌最可聽誰知此是斷腸聲就中更有楊枝曲恨殺昏雅及曉鶯
虎丘山下月朦朧闔闔門前動地風子夜一聲琴一闌杜鵑聲在碧雲中
燈映前牕紙不鳴四隣無語犬號聲南陽已起爲霖了何用人間更得名
滿地寒風滿面塵荒烟白艸舊通津宴安酖毒俱亡國可但西施解悞人
成敗由天衆所知烏江拔劍更何疑誰言吳越海刺蛟手也學臨春井底兒
小雨如膏漬陌塵一溝寒碧曉生鱗餘年已自無多子更向途中見早春

漫成二首

萱州花空發丁香子又生浮雲無處所孤月不須明
望帝千年魄聲聲是淚流空庭無竹樹省得一春愁

老病歎

我身衰朽百病加年未六十眼已花筋牽肉顫骨髓竭膚腠剝錯瘡與癩
人皆愛我饋我藥暫止信宿還萌痒肺肝上氣若潮湧舊劑再飲猶淋沙
有眼不視非我目有齒不齧非我牙三黃苦心徒自療五毒浣胃空矛戈
因思造物生我日修短已定無舛差琬瓊不能使之少虛秦焉能使之加
反犀鹽朽各有分鳧悲鶴悼何繆耶不如閉戶謝客去有酒且飲辭諠譁
漫成

老去知心更有誰愁將短髮對花枝花殘更發新春葉髮白空垂滿面絲
縱酒放歌憐往日倚闌聽鴈立多時若爲化得搏風翮汗漫東西信所之
有感
七首

物換星移事已迷重來舊處惑東西可憐如鏡天邊月獨照樓烏半夜啼
焚書千古訝羸秦逃難茫茫走縉紳尚憶商山近京洛白頭容得採芝人此
詩爲己亥題青田山中太祖命孫炎遣使鉤致而作

甲楯孤棲死不疑那將宗社換西施想應嘗膽秋風夜恰似無忘橋李時
鴻鴈來時月滿天客途僮僕自相憐荒村觸眼惟茅屋榆柳蕭疎起暮煙
黍穗高低菊有華屢居恰似野人家夕陽日向西牆過只爲微生換髻華
魚鹽充牣稻粱肥誰寤繁華是禍機日暮無人信亡國寒雅猶帶夕陽飛
漫漫陽春不見秋人生得意總忘愁茱萸更謝盡芙蓉發清夜吹笙月滿樓

古歌三首

紅葵高花高以妍清晨方開夕就薦美人迢迢隔山水可望不見心茫然
花開花落日復夜惟覺新年非故年人生百歲花一度何不作樂令人憐
舊花欲落新花好新人少年舊人老佳人見此心相憐舉觴勸我學神仙
我聞神仙亦有死但我與子不見耳祇言老彭壽最多八百歲後還如何
雙燕雙飛入我堂銜泥養雛何太忙養得雛成却飛去雙燕雙飛復如故
東園桃李春萋萋日華烘露生紫霓一朝實熟付人採葉枯枝折空成蹊

夜泊桐江驛

伯夷清節太公功出處非邪豈必同不是雲臺典帝業桐江無用一絲風
松葉酒歌寄梁安宅

道人贈我松葉酒，味似瓊漿色瓊玖。嚙之骨爽神魂清，令我辭同金石久。
我生疎嬾無所能，瘦皮黏骨危陵嶒。病來啖藥猶啖水，夢寐恍惚風中燈。
常聞徂徠有嘉木，玄醴滌濯黃露沐。上有兔絲揚翠旌，下有茯苓蹲白鹿。
咀華嚼葉嚙以津，歲久定化腸爲筋。便從僊僊覲黃帝，身騎肉角青麒麟。
我欲求之百憂集，滿眼蚊蠅隨出入。踰鳥箭逝纖阿急，日暮空瞻鄧林泣。
道人此酒還有方，我欲與子同徜徉。世上神仙亦何限，留侯辟穀應未晚。

侍

宴鍾山應

制

時蘭州八方奏捷

清和天氣雨晴時，翠麥黃花夾路岐。萬里玉關馳露布，九霄金闕綸雲旗。
龍文騷褭驂鸞輅，馬乳蒲萄入羽巵。衰老自慚無補報，叨陪儀鳳侍瑤池。

秋懷

五首

東風吹晨霞，初日垂白足。溼烟屯簷棟，飛雨鳴樸檉。厭厭葉就黃，萋萋艸
還綠。索居謝喧囂，庭絕車馬躅。念來多所懷，追往不可復。嬾隨老共至，病
與年相促。省窮慚寡尤，守分無望福。駕駘立阜樞，敢慕騏驎逐。

空堦走穴蟻，荒垤唳巢鵲。陰氛方騰達，密雨已彌漫。沉沉翳光景，昧昧感
昏旦。林鴉濕休飛，簷雀饑相喚。吐舌隔關河，四望空慨歎。淒淒衣裳單，戚

戚歲年晏微生如石火徒勞暫時煥永寤爛柯人萬事一夢幻

清晨啟扉坐微風動游龍離離墻上花切切砌下蛩嚶嚶自成音灼灼各有容四序迭推移衰病情所鍾身羸足已弱有願不得從愧負天地生愴恨填心胸

蟋蟀已在宇鴻鴈方來賓天秋風露寒陰谷何時春欲爲商聲歌恐驚梁上塵衡門掩仲蔚庶用存吾真

薄雲散高風天色青如染盈庭露輝輝當窓星皎皎寒來愛蘭釭暑往却筠簟憂思浩無際起坐數更點晦明相代謝避盈乃無歉未嘗陟孟門誰識行路險賈害豈無因戒之在懷琰冥豫何可長用之以自檢

題謝臯羽傳後

阮籍哭窮途墨翟哭素絲賈誼上書期寤主卞和抱玉無人知人生有情不可塞謝生慟哭非狂癡神奔鬼遁天地革龍魚貓虎三辰黑黼裳玄衮換璫裘韞唱羌歌滿中國生也何辜逢此時有才不用空男兒伯益丘墟管仲沒孤棧弱植誰扶持既不能學申胥頓首血沾臆却吳再建荆社稷又不能學鄒衍長號徹帝關飛霜六月淒燕山空將淚灑荒岡雨添作秋

壽域江浦不見杞梁之妻哭夫哭得城崩又何補夜猿叫罷天晦冥
哭聲搖動虛危星蕭湘竹死鳳凰去但見白波連洞庭嗚呼此士今安在
金石可銷心不改應將魂魄化精衛銜取南山填北海

秋感二首

老病偏多感宵長晝亦長衣冠方謝暑枕席已驚涼往事鏤心在新知過
眼忘籬邊舊栽菊歲晚爲誰黃

日白天青木葉凋雲山漫漫故鄉遙石床墜露珠光動碧砌幽花玉色銷
十載故人俱土壤五更啼夢負漁樵懷來憶往成惆悵蔓艸羈蟲對寂寥

悼廢圃殘菊

舊菊將蕪尚有根高秋相顧耿無言芳心不共青莎死生態猶歎白露繁
要待靈均餐落蕊從教元亮耻空尊何人解識淒涼意分付寒蟬仔細論

雜詩五首

白露出艸根顆顆如明珠黃華炫金錢亦復盈堦除閑居無尤物翫之聊
可娛衡門不必扃此非衆所須但恐成蕙政千載令人吁
服力徇穡事矻矻望有秋凌晨荷鋤出日入且未休中夜看星辰旱潦切

所憂西成告豐歲珠璣滿田疇飽食幸可期喜色欲盈眸寧知霜雪早零落不得收荒畦委滯穗槿籬掛空篝斜陽照白髮短褐還飯牛天命固如此汲汲復何求

季世罕上壽百歲爲長年軒皇不可見顏冉復誰憐安期乘彩虹羨門駕紫烟朝游蓬萊島夕宿曾城巔常恐聲風枝摧折滄海田徒令驪山客想望稱神仙

月明棲鳥動月暗棲鳥定茅鴟潛枳枸大眼掛宵鏡皇天生萬物一物畀一性遂令芥壤間擾擾事爭競喧呶窮日夕豈不愚天聽化工雖云巧爲法祇自病沉思令人嗟欲問誰與應

速成非良器驟得難久好桃李望春舒亦復迎秋稿薜英耀朝日未夕委蔓艸飢農種種禾自慶得食早歲暮寒溼冽衡門淨如掃瀛洲對方壺弱水爲池沼不有千年花安得如瓜棗徐市駕樓船輕帆迅如鳥仙人倘可見常恐三光老寄書附文鯢翳雲空縹緲

舊在杭時爲吟起敬賦泉石歌亂後失之今起敬爲協律郎邀予寫舊作已忘而記其起三句因更足之

君不見吳山削成三百尺上有流泉發蒼石冷卿以之調七絃龍出太陰
風動天初聞涓涓響林莽悄若玄宵鬼神語玲然穿岬達幽谷竚籟颺颺
振喬木永懷帝子來瀟湘瑤環瓊珮千鳴璫女夷鼓歌交甫舞月上九疑
啼鳳凰還思媧皇補穹碧排扶銀河通積石咸池瀉浪入重溟玉井冰漸
相戛擊三門旣鑿龍池高三十六麟騰夜濤豐隆咆哮震威怒鯨魚捷尾
驚蒲牢倏然神怪歸寂寞殷殷餘音在寥廓鮫人淵客起相顧江白山青
煙漠漠伯牙骨朽今幾年叔夜廣陵無續絃絕倫之執不常有得心應手
非人傳憶昔識子時西州正繁華箏笛沸晨暮離襟休爭誇子獨倚
伴泉石裏長日松陰淨書几取琴爲我彈一曲似掬滄浪洗塵耳否徃泰
來逢聖明有虞製作超莖英和聲協律子能事罔仰斐摯專其名

雪鶴篇贈詹同文

有鶴有鶴丁令威碧玉爲骨玄霜衣曾城十二身所依千年伐毛一度歸
洗髓織女黃姑磯瑤臺雪花大十圍食之神爽肉不肥乘風振羽芳菲菲
丹砂結頂爛有輝咳唾璀璨生珠璣朝遊明星夕大颿騰光躡景超巍巍
滕六驟乘虹蜺駢遊宮仙娥項帝妃鎔雲鍊雨成瓊蕤眩晃晝奪扶桑輝

離眸閃爍不可睇回衆從從翼縞旂白虎殿棘良厥腓鸞鵠鳥鴻鵠鵠
鸞鵠鸞鵠鸞鵠與鸞鵠局促縮胸潛嶢嶢惟皓鶴從之飛竦翮夜過東皇畿
玲瓏琪樹漫金徽碧然長鳴驚海圻海波噴作煙霧霏馬銜罔象蹲若騷
鯢鯨天矯相噓唏銀河腹堅膠蜃王母桃花凍不緋五色石裂女媧譴
祝融上訴開九扉帝命養之青鎖闥賜以沆瀣憐其饑朝朝暮暮朝太微
翅翎披拂天香緋北斗粲爛星依稀翠輶抱日露未晞圓肱修趾逸且頤
蹌蹌蹈舞霍以揮散仙引領空相希嗟哉清峻天下稀勿歎遼東城郭非
桂華官窪甘露澄味美遠勝商山薇擷英爲羞堪咀嚙比之琅玕亦庶幾
盤空硬語去脂韋歌以贈君君莫譏

秋夜聽冷協律彈琴分韻得夜字

秋清衆籟寂華月耿遙夜玉琴奏瑤席逸響發高榭微風入林稍稍泉
出罅閃閃黃鳥春雪雪玄蟬夏幽憂北鄴語赫怒西楚吒初疑廣寒府和
鑾起仙駕忽驚龍騰霄雷電劈太華淒涼漢宮女萬里異國嫁逍遙商山
老芝歌意閑暇斯須變眩涼耍妙奪造化終焉返淳朴瑚璉在縹緲鄭衛
失其淫儀秦失其詐虎狼失其攫烏鳶失其嚇大音信希聲餘美甘如蔗

持此滌塵心永與箏笛謝

青溪山房歌寄朱景濂

若有人兮乃在大江之南淞河之東連山倚拔瀛海上上與河鼓天津通
憶昔四女下天來遺髮墮髦根雁鴻仙華傑出竄怪異望之如雲浮太空
欽崙嶺施麟鬣不可上蒼蔚雜樹昏朦龐虎龍咆號猿鶴叫山鬼呵歛生
悲風嗟哉若人兮胡爲乎其中梁檀栢兮杜桂楓結青蘿兮以旃幪不翦
不伐兮不鹽以攻晨嵐暮藹滴晴雨烟條霧葉相蒙龍繆繆兮纏纏葦葦
今蓬蓬繚糾要紹兮若蒼龍垂胡降玄穹琴麗披離兮若翠鸞振迅飛鸞
氈鸞黃和鳴桑扈應髣髴牙曠之絲桐幽泉發竇鏘玲瓏六月赤日收蘊
隆陽凌陰蓄春融融巖花澗艸紛白紅有時皇初平清夜騎羊朝帝君瓊
羽葢冰玉珮華月閃爍光成虹松吹笙兮竹舞翻影旆旆兮聲淪淪娛目
悅耳兮樂不可言世間塵土何夢夢山有芝隰有豐石鑿鑿兮水滢滢猗
若人兮美且充飢食倦息兮可以保我躬逍遙兮棲遲又何必訪廣成于崆峒

送姚伯淵之清溪河泊所任

清溪之水通秋浦石白水清魚可數鱖鰣鱸魴與鱖小魚如鍼大如杵

侵晨漁艇浮空來千夫撒網雲烟回鳴榔擊楫聲如雷水怪駭啄珠宮開
課魚使者矢魚急馮夷噓唏龍母泣琴高赤鯉縱有神何暇超騰作人立
吾觀大江之中有壯魚名曰海豨頭如猪群行九十其朋徒歆沫成雨倏
歟盲風俱旋陽仙人上天去已久平池波濤隨處有春淵潛鱗陟負冰時
哉罔俾戾人後小魚瑣碎獺所捐大魚多膏祇自煎君不見振振鷺白如
玉沙頭見魚飢不啄一朝飛上瑤華池紫鷄黃鵠相追隨俯視禿鶴垂六
羽還共野鳥爭腐鼠

旅夜二首

昨夜起觀星月在楊枝上今宵不見月星影空搖漾羽蟲飛拂戶燈吐孤
火壯佇立掩衡門愁來獨惆悵
客愁常突兀今夜燈花生雖知無喜報愁亦暫時平解襟成獨寢留燈待
天明喜固不可求客心恒畏愁

道士周玄初鶴林行

鶴林道士軒輶徒以鸞爲輪雷爲輿開山養鶴作騏驎上下二儀周六虛
雖成洗髓扶桑宿縞練羽毛鏐鐵骨聲飄碧落玉清揚影拂太微雲滅沒

永夜月明滿林竹栢憂擊笙簫音云是旌陽許縣令躡躡佩劍來相尋
靡薢西枝搖倒景借去林間兩丹頂伐蛟北海莫玄冥斬蜃南訛封浪井
上窮列缺旁九圍却過度朔山中歸歸來贈我桃樹枝朱衣赤郭手所持
令我鞭龍扶虢虎攝縛臊魑如奴虜授我堯時松子訣轉晴山電噓成雨
鍾山秀色連冶城百花繞屋風冷冷焚香獨坐誦真誥墜露點滴流華星
土伯駿奔從號令鶴鳴聞天空谷應寥陽寶殿歌步虛河漢當窗回斗柄
嗟子衰朽雜病攻盈顛素髮吹秋蓬空餘硬骨如瘦鶴因子致意浮丘公
爲詹同文題浙江月夜觀潮圖

君不見四時平分成歲功以秋繼夏獨不同炎官挾長握天柄七月赤日
熺玄穹薜收抱鉞蹲白水野氣赫赫攄頰虹陽侯喘汗河伯竭少昊上訴
愁天公會須萬物長養遂斯以仲月虛宵中此夜姮娥魄正滿命駕四蟾
驂兩駢指揮禺強出玄渚蕩滌歆燭清靈蒙河漢發源牛斗下曲江上與
天津通初看一髮起溟微如曳組練來於東漸聞殷鑒鼙鼓發倏忽萬雷
聲撼風天吳掉尾出溟洋馬銜揚鬚招海童霓旌綺帳驚羽情瑤臺十二
浮空濛藥珠仙人乘玉輅騰駕鶴鵠飛氍毹長庚歛霍挾光耀靈母扶龍

嗚戛銅宓妃起舞素女從瓊珮綵絲雲帡幪冰綃霧縠紛颯纏霜旂雪旛
高翳空鯨魚呀呷蛟鱗遁蒲牢哮吼馮夷宮瞿唐巫峽起平地灩澦若象
廔回淥先驅已過赤亭嶂後從始發龕山銛商聲爽浙合群籟澤國凜凜
寒欲凍先生翫月生樓上夜氣澄寂神和冲憑闌快觀煩暑退呼兒命酒
澆喉隴自舞自歌歌自作月照白髮三千總歌聲迤颺林壑應竹樹戛擊
絲與桐淵魚躍波棲鳥作紫桂繞屋清香融君歌曲終響未終我歌激烈
留征鴻瞻眸相視俱老矣況有衆病來交攻 聖明天子御宇宙威惠與
天相比隆首丘倘許謝機絆猶有古月光臙臙行常唱和三百首永與潮
汐流無窮

病眼作

君不見昔日方相氏黃金爲四目精光倏昱奪長庚導者趨風觀者肅一
舛竣事歸有司委棄塵埃同朽木我生兩眼粗能視要探天根窺地軸論
價未止連城璧傳聲共推天下獨寧知用譽貴含章鬼物由來闕高屋三
彭上許三盧聞乘時作戲何其速吳回熾炭煎赤汗灌注清揚發炎煥赫
如巨鱗山淵淪網若錦衣蒙綺縠淚漬紅桃浥露開眈昏丹雀披烟宿鵲

鵲呼雨荔支正布穀啼山蓬藥熟雪深太白牀碧鷄霧苦瑤臺落黃鵠自
分衰年已無幾臂力卒單筋脉縮春榮秋悴兩茫茫柳綠花紅非所逐天
公若復可憐生乞與寸光分粟菽無勞指點某在斯不用南陽潭上菊

秋日卽事八首

秋風吹雨冷脩脩塔下金錢爛漫愁鴻鴈不來巢燕去艸蟲辛苦獨知秋
春華秋艸兩悠悠素髮多情却滿頭落葉自隨流水去遠山空帶夕陽愁
垂垂密兩顰修楊點點青苔繪短墻不是鴈聲天畔過爭知今日是重陽
秋氣蕭條宋玉悲西風唯有鴈相宜秦淮岸上青青艸想見繁霜未落時
寒星無數月如鉤槁葉呼風入敝裘人世可憐唯有老鏡中憔悴夢中愁
掛壁青缸照不眠相看到此亦堪憐露寒霜重殘螢盡腸斷秋風憶往年
病眼昏昏四顧迷獨行渾似雪中鷄花開葉落真成夢愁聽門前過馬蹄
槿華數樹夕陽時收拾秋光在短籬自紫自紅還自碧祇應獨有暮蟬知
北風吹鴈過蕭蕭旅館青燈共寂寥蓬髮一時成白雪老來禁得幾秋宵

贈杜安道

憶昔天兵伐荆楚舳舻蔽江齊萬櫓譟聲激烈似雷霆猛氣怱然震貔虎

拔柵皖城猶俯拾探穴九江無險阻明年大戰康郎下日月塊北相吞吐
馮夷跳浪耕水飛巨鼉掉首三山舞雲隨太乙擁鋒旗還爲豐隆作靈鼓
將軍金甲箭攢蝟戰士鐵衣汗流雨火龍燐燄絳天衢燧象逐煙煎地府
鯨鯢旣翦撓搶落艸木熙陽魚出谷當時從臣皆俊良近侍共推徐與杜
或操陳子之刀鐻或負伊公之鼎俎艱難出入矢石下鞠躬盡力無摧阻
夙興夜寐事一人小心不貳帝臨女只今四海同車軌對菲罔道遵往古
瓊琚赤節遠錫行鞍馬祿食光門戶天鷄一聲金闕啟龍顏有喜常先覩
顧我愚疎憂患集病骨峻嶒蒸溽暑興來懷舊倚長歌星星兩鬢絲千縷

春夜一首

春夜迢迢微風不興六合無氛銀河欲冰月流素波星回玉繩孤坐不寐
憂思相仍壯年已謝昔非莫懲如彼老馬心念超騰道路崎嶇勸不可能
俯撥紅爐仰剔青燈欲與晤語誰其我應

青陽一首

青陽傲載白日孔昭艸生于野華發于條隨氣成形或藥或翹睠睠興懷
中心飄搖麥有雉雉藻有魚跳嚶鳴在樹磬管簫韶駕言出游以猶以陶

播不可翫不可天自非松柏不能後彫來者弗畏往者其消

新聲

昨夜東風來吹我門前柳柳芽黃未全艸根青已有鶉鳩屋上鳴勸我嘗春酒我髮日已白我顏日已醜開樽聊怡情誰能計身後

雞鳴一首贈宋文姪

雞鳴朝暉艸露未晞巢鳥于飛 雞鳴夕陰艸露淋漓鳥歸于林 雞鳴匪司時鳥舉匪有期氓之蚩蚩蓋亦何思 朝露白如玉我不敢躡恐溼我足夕露光如珠我不敢踰恐濕我裾 誰謂河弗廣可航可蕩風波無期不如勿往 誰謂林弗幽可邀可游豺虎無虞不如勿由 中田有禾園有樹麻發石有泉可以爲家 中田有麥園有樹核采山有蔬可以爲宅

送金華何生還鄉觀省

樓外桃花紅錦披當花把酒映花枝慈親飲酒看見笑記摘桃花洗面時

潛溪圖歌爲宋景濂賦

金華山水天下希潛溪龍門尤絕奇群峰峻極河漢上一峰獨立芙蓉陂先生結廬在其下文追班揚兼賈馬遂令此山增壯觀野有樸楸皆梧櫟

上清道士方方壺乘興爲作潛溪圖丹崖翠麓神仙居東望日出樹如蘇
溪流穿林還度谷十里一達五里伏龍湫吐景生白虹藤蘿振雨松呼風
却憶往時清夜月帝女乘雲下天闕鍾鏗鏘蕭鼓發霓裳羽衣飄滅沒
初平騎羊前啟行長髯鬚鬚飛玉霜秦娥吹笙玄鶴舞牽牛河鼓凝寒芒
相思迢迢頻入夢夢駕兩鸞從一鳳覺來毛髮猶爽淅目送征鴻度空碧
山有疏水有魚幽澗有泉清可斟何時上疏乞骸骨寄聲先遣雙飛鳧

有泉在山一首

有泉在山爰注爲壑膏火自煎一室之燭蔚彼茂林有檀有松有栝有桐
可以爲車可以爲宮有泉在山爰注爲淵膏火之燭維以自煎蔚彼茂
林有栝有檀有櫟有櫟可以爲薪可以爲杙

春日雜興五首

春霧冥冥木葉稠蒼鷹拂羽化爲鳩莫將松桂夸桃李桂下先生早白頭
日自西馳水自東落花飛絮總隨風舊巢燕子今何處烟雨庭臺似夢中
細雨冥冥晝掩扉更無芳艸有垣衣人生一世邯鄲夢老病無眠夢亦稀
雨隱滄江霧隱山鄉關迢遞寄書難病來只盼春風到不擬春風曉更寒

日出江空曉氣柔白蘋風起渚烟收夜來一飢三更雨送盡飛花入海流

感春三首

日暮東風起滄江水微波水深不可涉路遠將奈何靡蕪葉已齊故鄉隔山河盛年難再得芳意其蹉跎

朝采山上蕨暮采澗底薇雖無梁肉味聊可以御飢羔羊薦美酒飽食同秦犧玄廬苟未閉彼此誰是非

人生多憂患死去百患消但恨不得無由脫羈鑣浮榮衆所貴何異掠艸焱一生與一死一夕復一朝周器忌盈滿老子戒矜驕園林無恒芳江海有回潮委心從大化庶幾永逍遙

枯樹圖歌

道傍古樹身半枯白蟻穴根蟲穴膚風摧雨撼霜雪凍斷石蜿蜒無人扶憶昔勾芒肇初政百卉騰達隨呵噓新柯在舊柯壯霧露膏沐光如濡黃鸝翡翠語嬌滑衆扈戴勝鳴相呼白鶴來巢鹿止蔭匠石愕眙爭歎譽寧知憂患生旦夕野火倏忽起不虞燎原烈燭難嚮邇孰問柞櫟杉與櫟枝燔葉歟根半赤朽腐臍液非時須山林掃落歲方晏聊以薜荔爲衣柳

嗚呼廣廈棟梁具委棄艸莽同薪芻皇天未必替生意更盼玉燭回陽鳥
卽事

春半餘寒似暮秋掩門高坐日悠悠樹頭獨立知風鵲屋角變鳴喚雨鳩
芳意自隨流水逝華年不爲老人留浮花冶葉休相笑自古英賢總一漚
遺興

江上潮來風捲沙城頭畢逋烏尾訛燕泥半溼昨夜雨蛛網忽黏何處花
孤坐日月自閑暇出門岐路空交加漫將白髮對芳艸目送去鴻天一涯
劉參政璉

璉字孟藻誠意伯之家子誠意伯家居璉將命朝謁無慮八九至輒燕見類
家人父子上喜曰伯溫有子洪武十年拜考功監丞兼試監察御史出
爲江西布政司右參政卒于官年三十二閣門使恩遇錄載太祖聖諭
璉死亦中胡惟庸之毒也著作多散佚遺詩有自怡藁僅九十四首

遺興

綠鳬水中遊白鶴雲間飛霄漢有修程焉能顧卑微浩蕩展羽翰崑丘以
爲期鵬鵬趨下風尉羅絕張施倏忽萬里餘摧頽不知歸空林有故巢繁

霜日霏霏孤鷗哺黃口啁嘶將曉依豈如戲蘋荇雙栖在漣漪

秋日旅懷

秋氣生白虹秋聲入高樹離離星漢明杳杳孤鳥度夜坐不覺久逍遙散
余步鬢毛動淒風羅裳怯零露寒陰日已浸芳歲聿云暮倦言思我鄉誰
與將尺素

白楊河

白楊河下春水碧白楊河邊多估客東風二月柳條新却念行人千里隔
岸上居人纔數家茅茨深處見桃花小婦河邊汲新水老翁門外看雛鴉
桑苗未青麥苗綠牛羊散落村墟牧行客年年任往來居人自住楊河曲

自君之出矣

四首

自君之出矣金爐烟不裊思君如露桃紅淚墮春曉
自君之出矣蟬鬢枯可燎思君如流螢持明徒自照
自君之出矣瑤瑟塵滿柱思君如迴風旋轉無定處
自君之出矣芳香銷玉體思君如河冰堅凝直到底

遣悶

天光沉陰歲將暮客子驅車逐歸路塞鴻叫入吳江雲野鳥對立枯桑樹
茫茫四顧少行人枯蒼之山渺何處愁心如水水復凍焉得滔滔向東注

自武林至丁郭舟中雜興

四首

舟行淹宿雨稍霽汎通川深霧羣山沒長天曠野連桃開榆葉小麥秀菜
花鮮却喜昇平象高飛見紙鷂

晚來風勢歇又見日臨曛遠岫留艤影疎星散薄雲波流壁月動舟過鏡
天分何處危樓上歌聲靜夜聞

寂寞空江上漁舟起暮煙明湖天際濶落日霧中圓宿鷺毛衣潔歸鴉羽
翼聯故山千里隔悵望日悽然

重到昔游地茫然感去途高原深蔓艸沃野浸平湖水闊蛟虬橫山空鳥
雀呼淒涼今古意落日片帆孤

集外詩 三首

春日書事

雨收春日融衆艸豐且碧和風拂輕衣飛花撲行客晴空搖翠烟莽蒼見
山色青年豈長住感此思夙昔

私霽

積雨霽郊甸涼風來早秋蒲柳變冶色寒蛩生暮愁明月艷素光青山澹如浮遊目睎行雲感此身世憂故鄉不可見悵然心悠悠

錢塘遺懷

江風吹浪雨冥冥雲暗春山霧壓城箭鏃不隨錢氏化黍苗還向宋陵生海門潮擊千年恨漁浦帆開萬里情昔日繁華總祖謝蒼茫流水亂蛙鳴

劉閣門璟

璟字仲璟文成公之次子洪武二十三年太祖宣諭吏部命襲父爵仲璟回奏有長兄之子薦在上大喜命薦襲封考宋制除仲璟閣門使隨駕傳旨次年八月陞谷王府左長史建文孫位稱疾不起見上猶稱殿下云殿下千百年後逃不得這一個字下詔獄自經死仲璟弱冠好學知兵偉貌豐髯議論英發尤深禪學一時尊宿推爲作家有易齋文集十卷無隱集偈頌二卷

橫雲山居

爲唐伯謙知州賦

山蒼蒼兮欲雨雲橫覆兮歸汝有龍兮不霖使雲橫兮愁我心弦枯桐兮

我琴鳴鳥不聞今孰爲我音

古意三首

昨夜起觀星北斗懸中天牛女隔河漢跬步不得前東方有一士被褐露兩肩積雪寒蓬廬中心常泰然高歌商頌篇激烈浮雲旋士心亦何求長爲知者憐

妖幕蝕明月玉川欲剗之惜无登天梯涕泗空漣漣而哀哀下和王惻惻魯女葵桓侯諱其疾扁鵲乃見疑長嘯郭林宗高風邈難追
萇弘歿已久其血化爲碧堅貞逾瓊玉光耀貫奎壁豈惟忠誠著乃是元氣積冰霜恣銷鑠劫火屢焚炙不磷亦不緇還爲補天石

向無心下竺維那卷

浮屠清淨世難倫細行威儀總是真方外未能無職事人閒應識有君臣
靈山一會閑緣了劫石三生佛性純從此坦然雲水客木人花鳥度青春

寄葆光子偈

秋雨高槐噪暮蟬芸牕書客思悠然時危已幸身無辱性達何憂路未便
魚蠹入書循簡缺蛛絲有網遍牕延此時一物無相染莫是渠家得趣禪

狂夫雜興

平生適興多閑話付與時人作浪猜一酌曹溪知水味白雲無意若爲來
雲門道忒讚無隱集云無隱公雖處仕途翼讚王公乃於無隱之法用
隱身之述故能敲空作響與世混同若有耳目聰明文字學者莫能測
其涯涘也吾觀閣門公謁見 太宗皇帝時當機一語聲前句後斬盡
葛藤何等觔兩公又有雜興詩云老禪真個野狐精談話滔天信不行
睡到盡頭無一物碧天流水若爲情此處用得耳目聰明文字學不請
雲門老漢再下一語

小誠意劉薦

薦字士端誠意伯基之孫江西右參政璉之子洪武二十三年十月襲封
明年以其叔閣門使事有連 上赦之貶秩歸里築室于里第西雞山之
下命曰盤谷洪武丁丑譴戍甘肅越三月 太祖上賓赦還 建文及
太宗皆欲用之以奉親守墓力辭永樂某年卒于家公侯伯襲封底簿據
兵部貼黃薦以洪武二十三年十月襲爵次年九月卒吾學編諸書並同
攷薦所著盤谷集及括蒼陳谷開閒先生傳乃知薦罷官適戍本末且永

樂中尚無恙貼黃載薦以襲封次年卒諸家因之皆誤也余別有考其詳
薦有盤谷集十卷盤谷倡和集二卷

東馬都指揮

樓散承恩貶舊封全生猶得遠從戎朱衣赤紱關河夢白艸黃沙雨露重
日月遲回華表鶴風雲愁寂湖龍欲持兩淚憑流水送繞秦淮第一峰
會寧道中別姜惟清主事

八千道路邊疆去回首甘涼憶舊游沙塞孤城胡騎接玉關落日酒泉流
哈喇果實供盤饌蘇魯麻簍解客愁此日故人重會別秣陵歸思不勝秋

列朝詩集

甲集第一終

列朝詩集

甲集第二

表御史凱

一百十六首

覽時太初一首

表御史凱

凱字景文華亭人自號海叟父可潛以詩鳴淞中凱幼孤力學少以白燕詩得名人呼爲袁白燕洪武間爲御史上慮囚畢命凱送東宮覆審

東宮通減之凱還報

上問朕與

東宮孰是凱頓首曰陛下法之正

東宮心之慈

上不憚而罷以爲持兩端心銜之凱惶懼託癩疾辭歸

上使人詔之徻狂得免生平負權譎有才辨雅善戲謔卒以自免于難歸田後每背戴方巾倒騎烏犍往來峰泖間好事者圖以入畫楊鉄厓改過齊記曰至正九年子游淞邢臺張叔溫携數客來見中一人昂然長癯然清言議英發可畏問爲誰則曰袁景文氏也王叔明秋山讀書圖題云景文袁先生以布衣拜御史數月謝政歸讀書淞水之陽九峰山中翛然有出塵之趣黃鶴山人王蒙爲寫其逸態云海叟集四卷叟手自編定弘治中陸深子淵購得京師寫本力爲表揚盛行于世李獻吉曰海叟師法子

美集中詩白燕最下最傳諸高者顧不傳何仲默曰我朝諸名家集多不稱鄙意獨海叟較長叟歌行法杜古作不盡是要其取法必自漢魏以來程孟陽曰海叟詩氣骨高妙天然去雕飾天容道貌卽之冷然古意二十首高古激越雄視一代七言古詩筆力豪宕鈔不如意七言律詩自宋元來學杜未有如叟之自然者野逸玄澹疎蕩傲兀往往得老杜興會空同諸公全不悟此七言絕句似乎率易似古樂府亦是老杜法脉

傅岩操

日之將出今余趨乎築之所杵丁丁而不息今汗淫淫之如雨日旣入而始休今飯糲糲而不飽嗚呼其命今余何辭乎此苦

渭濱操

渭之岸盤盤兮其流湯湯我居其下今于今幾霜朝飲其水兮莫食其鯉與魴我日斯邁今於余心以何傷

門有車馬行

主人堂上坐門前車馬來車馬一何廣遠近生塵埃好客不厭多惡客何爲乎寄言主人道結客毋艸艸

江南曲

江南好流水中有鯉魚與雁鳬
汝出取魚與雁鳬養我堂上姑姑
今年老鳴聲鳴聲鳴良可哀生而
不能養死當何時回死而不同鳴
鳴良可哀

短歌行

昨日舊穀沒今日新穀升壯年不
肯住衰年日憑凌日月行于天江
河行于海海水不復回日月肯相
待日月不相待自古皆死亡疾不能
免安有却老方仙人鄭伯僑於今
在何方爾骨苟未朽螻蟻生肝腸
獨有令名士可以憫情傷

鷄鳴

鷄鳴雙戶間行人出門闌出門一
何易入門一何難君今行遠地妾欲
致微意燕趙尚豪俠殺人爲意氣
鄒魯多儒生彬彬守經義臨岐不
惑古稱爲明送子遠遊聽我鷄鳴

紫駟馬

君騎紫駟馬遠上燕山去老母倚
門啼泪溼門前路泪亦何時乾馬
去無

同步前月附書還置身在郎署月賜旣已多取得尚書女身榮自可樂母
死無人顧多謝鄰里人將錢治墳塋

從軍行

烽火塞上來發卒備戎虜翩翩長安兒力未勝弓弩幸蒙車騎念出入在
幕府風煙一朝息歸來受茅土番天李將軍血戰自辛苦

獨漉篇

仰天天無窮俯地地無垠天地自無盡誰爲百年人百年之中人復能幾
汝不成人憂我父母

苦寒行

雨雪雨雪淒風如刀我行中野而無緇袍我寒我飢誰復我知四無人聲
但聞熊羆羆欲攫我罷復致我我身斃斃進退不可進固難矣退亦何止
還望舊鄉遠隔江海江波湯湯海波洋洋我思我鄉死也可忘

芳樹

芳樹生後園棘生芳樹傍垂來齧樹根終也被棘傷棘傷垂卽死樹葉自
芬芳忠賢在君側四夷敢陸梁不獨君與臣亦有弟與兄兄弟宜相近不

宜速相忘相忘亦何難外侮不可當君望芳樹辭辭短義則長

遊子吟

遊子行萬里母心亦如之陸行有虎豹水行有蛟螭盜賊凌寡弱風露乘寒飢誰云高堂安中有萬險危寄言里中子親在勿遠離

銅雀妓

流塵拂還集根櫛儼然陳歌吹自朝暮君王寧復聞松柏有時摧妾非百年人願爲陵上土歲久得相親

楊白花

楊白花飛入深宮裏宛轉房櫳間誰能復禁爾胡爲高飛渡江水江水在天涯楊花去不歸安得楊花作楊樹種向深宮飛不去

送貢先生入閩

日月異行川岳異途嗟嗟我人胡能並居衍衍夫子奕世之儒嬰就世華而味道腴伊余後生固陋荒蕪學匪上達質爲下愚旣蒙不鄙通家視余朝趨幽丈夕陪座隅話言諄諄旣霑且濡其霑如何如彼時雨膏液滲漉萌芽翹舉庶幾有成實堅實好如何翩然遠邁于道肅肅王命孰敢後之

峨峨閭闕載驅載馳湯湯江流泛泛行舟剝剝僕夫負擔以趨悠悠長林
蕭蕭逝波瞻望弗及爲之奈何昔爲長葛松柏是依今爲轉蓬蕩然無歸
山則有硓河則有渚嗟嗟我人獨行踽踽天高無窮地長茫茫允矣夫子
何時可忘

蔣氏壽萱堂

湜湜黃浦東流爲莆維莆之陽季碩氏居維季碩氏夙失其怙母氏是拊
是復是顧是乳是哺燥濕易處不敢失語不敢恐懼母也勞苦旣長而教
出就于校復因復好克荷克紹母也其嗟嗟我母如彼昊天何以報之
維以永年燁燁芳艸樹之于陰翼翼高堂匪高且深維此芳艸其氣揚揚
母氏覲止其憂乃忘旣忘其憂其樂悠悠無有灾咎維康維壽維壽其何
如山如河不竭不磨寢食具宜水有游鯉陸有稅米烹炙泔甘膏刈
修醴酌此春醴于堂之北于堂之北旦旦若是曷其有旣我歌我詩置之
于相告爾後來告爾後來季也可儀

陶節婦詩

維費榮敏江夏啟封何以世家戶侯縣公抑抑節婦實維其孫始由舊姻

遂此新婚翁亦太族內外自曰衆觀今儀具曰賢婦其賢維何年于結髮
凡百之爲敬者是以將來良妻柔敬之如賓雍雍閨門曾無閒言姻親之閒
歲時問遺楊果喜有閒暇遺摩執司其權降此後矣昔如兩龍相隨以飛
如何中途羽翼忽離又如黃鵠離離階一失其雄雌將騰侯亦既逝矣
家亦毀矣與我孤雛將何倚婉婉弱女索索空宇載枝載梧越此寒暑
維此寒暑厥維艱哉人維我愛我寧歎嗟如彼之白涅亦不細如彼之堅
磨亦不虧蓬首布衣多歷年所不懈不怠有進無阻天相厥德女既有家
庶幾其門不墮以遇昔聞共姜之歎靡慝亦有孝婦終養不惑人亦有言
千載一時欲知古人觀此後來山則有杞隰則有芷溫溫淑人百福是履
我歌此詩可配國風實而不浮觀者是恭

徐氏建華亭學詩

渠渠新學徐卿始作伊誰克完季子仲寬維此新學始亦甚隘爰斤爰擴
以就于大其大維何有門言言有堂軒軒有廡鸞鸞有階平平高壑連連
盤池潏潏樹木芊芊凡民之俊其來如雲小心鞠躬不愆以勤維旨玄聖
訓言斯明百工居肆匪肆不成嗟嗟爾俊亦既知止豈徒誦言厥有幾言

其旨維何曰仁與義明明仁義不遠甚邇爾求其方先我孝悌維此孝悌
爲仁之始始于家邦終于四海昔爲棧僕今則棟樑昔爲賦秩今焉璫璣
璫是蓄是儲邦家之需嗟嗟爾俊克就茲美誰其始之徐氏父子徐氏父
子可謂曰賢我歌我詩刻于學宮可以告後人以永其傳

荒閑

莽莽荒園陰陰霧霍雜以灌木帶以蒿萊蹊鼠踞踞鵲鳴嘯嘯哀中有一士
憔悴形骸三世不顯終身無媒冠裳綻裂毛髮毳毼食無餘糲室有浮埃
朝餐并李夕蔭園枝奚有琴冊咏歌喧喧亦有流泉載沿載澗豈不辛苦
聊用徘徊昊天賦命如彼之材卑不可抗高其能摧貴賤賢愚孰能遷推
尼父天縱向亦奇才厄陳屢空曾無歎嗟明明聖軌烈烈高懷景行先哲
敢不欽哉

賦耕隱

維古四民次二曰農維及我私豈忘于公沮溺之徒始爲隱淪滔滔不歸
乃潔其身溫溫黃生在彼原畛既耕既芸遂名爲隱其隱維何無與於世
左饁右粥聊以卒歲人亦有言可仕則仕苟非其時進退由已嗟嗟衆人

不惟其危朝趨夕韓終蹈禍機惟生之爲彼善於斯悠悠我心樂且無灾
賦許思敬真率軒

遂古之初民性質朴不侈不靡燔黍捭豚汗尊杯飲取足而已淳風既漓
日趨於卑如彼流水食必方丈器必雕鏤蕩然無紀其或不然是有後言
爭笑迭毀洛河之南大賢是居思登其北倡爲真率以究其源以窒其委
真則無僞率則易成亦克爲禮惟許敬氏恭儉和易深用仰止大書于家
朝夕是瞻庶蹈其軌悠悠之徒旣沾旣濡曾不知此艸木無章發爲聲詩
敬贊德美

與倪元鎮飲得江上雨

霖霖飄無際凭闌千里陰芳田雪泥泥清波望沉沉楚客帆已重吳宮樹
轉深歸鴻無肅羽別渚有哀吟吾知此時意寧識故園心

賦得泰伯廟送倪元鎮

剪商肇基迹傳季思逮聖兄弟逃荆蠻讓德一何盛千家聿來從勾吳始
開境遙遙至裔孫欲大心逾騁沐官貯妖麗高臺瞰遐邇旣拒伍胥忠還
甘太宰佞鄰邦樹讎怨上國肆中裁社稷終變遷軒楹獨完正相傳在閭

里酒掃改嚴淨歲時具牲醴歌舞勞送迎楚鬼久無食越魄誰將崇強暴
有湮晦聖哲無終竟於焉送將歸舟艤得依並是時春氣和氤氲滿芳逕
渚花動幽彩汀蒲發深艷江水去不息炯霞日將冥歛衣拜階下懷哉起
孤咏

賦得綠珠

於越山水秀自古有名娃綠珠雖後來聲名天下誇明珠連盈斛輕綃亦
論車衆人不能得獨向石崇家名聞臨紫陌高樓隱丹霞文犀飾函檻白
玉綴簷牙爲樂未及終奇禍忽來加厚意何可忘微命何足多委身泥沙
際終今後世嗟殷女曾滅國同褒亦亂華古人已如此今人將奈何猶勝
中郎女清泪濕悲笳

海叟再賦綠珠殆爲楊完者聘丞相之女而作也

題陶九成南村卮堂

多士方見材斯人乃梧櫟秉心自超越當時識趨舍迢迢溪南村流水亦
清寫艸木發深潤里俗況清雅於焉事結構面勢臨曠野分明治畦町日
夕供瀟灑秋菰已堪煮春冰行可謝子真久在谷勿安去諸夏囂雜既云
遠憂患茲爲寬願謝鸞鶴口從君鷄豚社

題葛洪移家圖

當時司馬衷愚駭回不慧牝鷄肆淫虐骨肉互吞噬淵聰乘時起諸夏受
其敝瑯琊迷東來單弱何由濟賴此晉夷吾州正神器國步未盡康禍
亂亦適至王敦反上游蘇峻復凶悖淵顯已云亡超雅從茲艷萬生當是
時幡然思遠逝駕言竟丹砂神仙或可致青牛載妻子昇冊付奴婢遙遙
向南海蓋欲避斯世羸秦亂氣首留侯佐高帝婉婉幕中畫取勝千里外
韓彭既誅醢相國下廷尉辟穀訓人間赤松乃吾契明哲終保身疇能測其意
生也雖後來心迹頗相類茫茫宇宙中清風無際斯人不可見撫卷增歎喟

夜經胥浦鄉新被寇

丙申冬

枯蒿茫茫雪初集青泥小岸硬復濕艸葉斷盡餘兩耳十步九倒何由立
空邨無人不敢入野狗齕齕累百十溝壑死人血未乾終夜冤魂自相泣

夜歸

黑風漫天天雨汁海水蕩滿如山立沙頭舊屋四角崩艸芽無人不收拾
此時歸來夜將半短衣無綿滿身濕西隣燈火喚不應飯冷欲食何由食

老夫

五首

老夫避兵荒山側三日無食在荆棘鞋襪被盡皮肉碎血被兩踵行不得
于時瘦妻實卧病十聲呼之一聲應夜深困絕倚枯樹逐覓啼來雨如注
逐覓怪鳥啼則雨

老夫避兵黃浦上八月秋濤勢逾壯蛟龍變化不自謀鯨鯢偃蹇還漂蕩
舡中小兒懼且泣婦女嘔吐無人色我獨兀生面向天篙師疾呼更索錢
老夫避兵二江口江中夜夜蛟龍吼若然一聲腦欲裂千尺長隄忽如走須
史海門風雨來江水震蕩如奔雷同行百舡牛沉溺無力救之空歎息
老夫避兵三泖邊泖水闊絕無人烟惡風三日天正黑濕雲臭霧相盤旋
舡頭飛虫齧人肉更有青蛇口尤毒小兒無知恣奔走我欲近前提其手
老夫避兵東海頭海風吹衣夜颼颼黃蒿斷岸少人迹飢鶩無食聲啾啾
狐狸向人呼姓名兩脚直立當前行自信從來膽力壯此日對之魂欲喪

賦朱煥章所畜鵜鵝鳥

朱家有鳥名鵜鵝意度自與凡羽殊其蜚時時近丹穴夜宿往往歸蒼梧
當時六翮須無禁何乃困頓來庭除玄雲飄蕭羽衣碎俯仰飲啄隨人意
空簷燕雀亦何心喧噪迫逐無靈地孤雌孤雌復何所落日煙波隔吳楚

沈思當日伉儷初豈料如今各羈旅衆雖衆難尤痛惜父旣不歸無可食
縱有弱母汝念深淚高風急身無力我言鵲鵲君莫嘆忍恥含悲度此身
不見四海干戈際多少思家失路人

病阿連阿連蒙古別號也

杭州阿連病可傷況復四體多金創口痕開除但乞丐終日哀鳴行路傍
自言家在雲中住兄弟旣死惟爹娘往年江南妖賊反聖旨差我隨平章
同行二千五百輩輩用背精強孰知江南風土異不比中原盡平地
中原地平好馳逐一人騰驤萬人廢江南地卑山林密泥深馬滑無由立
角弓着雨軟如綿咫尺相看不能射九月十月歲云莫賊兵突入觀音渡
平章脫身向東去太半盡歿無人顧我幸不死病已危丞相被逐無依歸
異鄉此日誰相慰只似天邊孤鴈飛

王叔明画雲山圖歌

有客來自高句麗遺我一幅丈二紙纖白只如松頂雲光明不減吳江水
藏之篋笥今七年妻孥愛惜如統綺至正乙巳三月初王郎遠來訪老夫
陸堂飲茶禮未畢索紙爲画雲山圖初爲亂石勢已大橐駝連拳馬牛卧

忽焉披地高入天欲墮不墮令人怕破其陽倒掛扶桑日其陰積雪深千尺日射陰崖雪欲消百谷春濤怒相激林下丈人心自閒被服如在商周間問之不言喚不返源花莫莫愁人顏老夫見之重嘆息何由致我共絕壁王郎王郎莫愛惜我買私酒潤君筆

觀朱澤民所画山水有感

朱公画圖愛者衆聲價端如古人重王卿鉅公數見尋往往往閉門称腕痛我時挾册遊郡城朱公愛我詩律精時時沽酒留我宿共聽西窓風雨聲清晨起來忘洗盥短衣飄蕭臨几案太行中條眼底生峩岬冥冥氣凌亂禹鑿龍門疏泮水根入黃河源不斷南及衡陽抵桂林東入會稽連海岸是中實我一畝宮正如浮萍在江漢溪流沈沈石齒齒夾岸桃花途遠邇原頭烟霧散難犬屋裡詩書雜童穉扁舟遠來知是誰豈是昔日鴟夷皮五湖鰕菜殊可樂千古功名何足奇只今四十有三載公竟不歸画畵在世間好手豈易得終日紛紛勞五彩感時念舊心獨苦況我頭顱白如許呼兒捲却不忍看白髮高堂泪如雨

徐子修画山水歌

夏家高堂生畫寒徐卿画圖墨未乾深山大澤貯烟霧黑處似有龍蛇蟠
襄陽小米師董原妙處不受繩墨牽頃刻萬里皆自然房山尚書世稱賢
化爲白雲滿晴巔李家將軍極清妍畏避退縮不敢前至今海內人爭傳
卿惟得此二家意拍益往往無疑滯意思此語造龍先筆力蒼茫際
前年爲客寫林麓百道飛泉出幽谷老夫醉來不敢眠深慮波濤捲茆屋
長隄曲坂路如線遠入深林時隱見水山人家不閉門門外幽花滿芳甸
徐卿徐卿我所慕廿載相看髮垂素安得瀟湘千尺水更画城東種瓜處

陶與權宅觀張子正山水圖

陶翁画圖眼見稀自言愛之重珠璣清晨掛向艸堂上已覺几案生烟霏
蒼梧雲深衆鬼泣笠澤雨重群龍歸崖深谷黝望不極獨有黃鵠摩空飛
飛來潭上啄丹實牽動百尺藤蘿衣藤蘿飄蕭露石角林西更見幽人扉
幽人長年不出戶薇蕨短小身常飢嗟嗟此是誰氏筆張君吾友精天機
君家祖父盡卿相門戶貴顯中衰微讀書學古有至行粉墨特用相娛嬉
憶昔東城飲春酒汪家林木含春暉當時揮洒每見及破屋往往增光輝
自從喪亂盡失去至今夢寐猶依依偶來此處見此本欲去不忍徒歔歔

行當買舡秋浦上請君同作釣魚磯

王若水爲画秋江衆禽圖

錢唐王宰心思長欲與造化爭毫芒下筆百鳥相趨踰前身豈是孤鳳凰
江頭芙蓉花正開花下細浪亦縈迴駕鵝貼貼天際來雄雌相隨氣和諧
一雙鴛鴦睡沙尾野鳬翩翩唼菰米羣鷗爭浴故未已傾落枯荷葉中水
鵲錫飛飛多急難睢鳩意度誠幽閑乃知良工有深意不在丹青形似間
姑蘇臺前秋氣孤五羊城下烟疎疎此時此景真相似獨少扁舟釣魚
宰也只今成老夫愛我不辭爲此圖我今親老無可養慎勿重添反哺鳥

送曹生從師

白沙入泥沙自黑蓬生麻中豈不直生子當置鄒魯開禮義薰陶易成德
三江雪花沒馬牛曹生扣門言遠遊天地苦寒子何往負笈從師清渺頭
魯君爲儒我所知規矩進退無差池座中弟子十餘輩森森玉立多容儀
子往拜之聽教誨師嚴友親各從類一簣爲山古所聞百川與海終相會
他時還鄉拜庭闈百年門戶頓光輝里中父老皆稱歎勝似蘇家相國歸

送齊文韶歸東阿

江上晴雲晴復濕落絮飛花滿原隰此時君扣主人門七尺長身如鵲立
自言稷下舊諸生奉命江南宰山邑三年仕宦多變故八口飄零少收拾
只今零落江海邊終日遑遑但憂悵主人聞之不暇沐握髮出戶遽延入
淨掃南軒催下榻更開西第同宴集時余挾冊依主人升堂再拜還相揖
一時愛厚忘爾汝況肯瓊屑論階級朝向春園恣遊衍曠婦雪案同溫習
邇來倏忽將五載歲月荏苒如呼吸君居北海我南海馬牛之風豈相及
偶然相值若弟兄信是前生有回轍今晨忽言歸故鄉主人錯愕余驚惶
干戈未息多盜賊霜露既降無衣裳君言孤死尚首丘況我先隴安能忘
聞君此語良可傷欲留不留空斷腸殷勤勸爾一杯酒明日思君江水長

大醉後率爾三首

白頭儒生何所作獨把塵編海邊坐上書格君事已晚殺賊民力久濡
四十無聞五十來不如牛馬空長大

身是江南儒家子十五學經二十史低回欲得聖賢心浩蕩更覓先儒旨
當時自謂才可重豈料中年人不用白頭總得溪上田手脚生疎不能種
腐儒學經經不明腐儒欲耕無地耕讀書耕田兩無成不如相隨劇孟輩

博錢喫酒洛陽城

江上送高文起夫分韻得暮字

青春送客黃家渡千里汀洲帶芳樹烟中歷歷白鳥來日曛翻翻綠舟去
主人置酒江上屋遠客哦詩水邊路明朝花落更思君海東月上青山暮

將帥

將帥多兒戲朝廷望賊平幾人思報國何處有全城未識龍蛇陣頻遭犬
鼠驚亞夫軍細柳千古漢家營

閩誅李羅帖水兒 乙巳十一月

國步維微蹇天心自可稽爪牙翻噬噉宗社欲顛擠蔽日朱旗入連郊鏖
騎嘶紫垣通鞅鞫玉座接鯨鯢聖哲元無惑晨昏且暫携濟河聲杳杳幽
薊色淒淒密詔親傳罷中軍氣欲迷登壇惟慷慨撫劔亦悲悽敵愾心逾
切勤王力自齊義聲驅海岳直氣決雲霓滅竈秋烟薄吹箴夜月低指麾
容艸艸進退合祈祈忌器非忘鼠憂苗更惜秘逆徒從剪伐元惡待屠剗
肘腋能無意神靈況夾批呂侯初受命董卓已燃臍雲雨蘇煩熱江河濯
障隄萬方深慰望九廟實安櫺天關歸龍種雲山識馬蹄問安紆玉趾視

簪入金闈膝下歡仍舊中宮樂未睽清秋多宴會仙仗日東西宮女花垂
髯都人酒滿裨里閭聞天語燈火雜孩提白日依中道青春入故畦遠人
來服食絕域盡航梯世祖功如在今王敬日躋鼎彝銘將相衽席措黔黎
淮海休波瀾湖湘尚鼓鼙既聞誅豺虎莫自學醢雞桀逆忘身首忠賢荷
璧珪休同隗囂輩終悞一丸泥

送孔提舉航海歸曲阜

宣尼老孫子白哲更長身家世誰能念干戈獨愛貧未聞興禮樂還似泣
麒麟今日乘桴去魚龍莫惱人

客中除夜

今夕爲何夕他鄉說故鄉看人兒女大爲客歲年長戎馬無休歇關山正
渺茫一盃椒葉酒未敵泪千行

出三江口有懷錢野人裘

處處無歸路悠悠且逝波沿花風外少江樹雨中多吹笛蛟龍聽開窓鶴
鶴過高人著書手頭白共蹉跎

送李高士歸荊州

南京高宴罷西土遂言歸江路猶殘雨荆門正落暉蓬生仲蔚宅秋入老萊衣明日思君處蕭條鴻雁飛

懷陶叟

陶叟今何在迢迢江水東瓜田連暮雨荷屋近秋風本在羲皇上聊遊鹿豕中幾時春夜飲還對燭花紅

陪楊廉夫登朱涇法忍寺閣次壁間韻

伍子行師日秦皇駐輦辰英雄無處所樓閣自天神白鳥晴沙遠雲山錦樹新誰知千載後悽惻吊斯人

遷居

舊屋非吾有新居亦借人往來皆是客到處只爲隣雞犬遭羈縛妻孥厭苦辛長歌燈影下命也復何嗔

遠客

野客頻經雨深林獨閉門故人俱殺戮稚子共朝昏城郭無歸路江湖有斷魂夜寒燈焰短鳴咽對殘樽

書寓所壁

野水連斜屋，秋林正壓床。把書驚眼暗，嗜酒覺身狂。王伯功名切，江湖戰
鬪忙。分明故園路，歲歲欲相忘。

丙申歲書懷

素書猶在篋，白髮忽盈簪。空費千金學，何曾一稱心。呼鷄秋岸遠，飲犢夜
江深。欲問三遷術，陶朱不可尋。

贈張鳴善

白帝城中客，清秋碧海旁。乾坤方浩浩，身世獨遑遑。萬里空形影，全家墮
虎狼。悲歌三百首，一一斷人腸。

寓所卽事

沙水寒猶淺，江船遠未來。舉家憂米粒，終日走蒿萊。骨肉還相棄，交游定
莫猜。癡兒飢困久，愛父強徘徊。

寓所寄何彥明

門倚秋沙白，窗含野樹黃。稍能親雁鶩，已覺遠豺狼。舊髮從來短，新詩頗
自長。何郎最知我，酒熟定能將。

遊會稽山

山實揚州鎮人踰浙水來禹功縣白日秦刻卧蒼苔龍起梅梁去神遊石
洞開明朝有餘興更上越王臺

懷張叟

說劍真無匹論文亦有神氣高真傲兀頭白自漂淪我正思前輩誰當繼
後塵江南春艸綠何處覓行人

夜泊鎮鄒城

江水春逾闊山雲夕更深移舟沙樹底拄杖古城陰鴻鴈攪人去蛟龍入
夜吟故園雙淚眼拭斷更沾襟

登浦上閣

高閣春波上登臨獨愴然故鄉從此去久客未言還花好誰家屋帆輕何
郡船朝來有微雨應灑郭西田

送張七西上

楚客舟航小吳門雨雪繁兵戈方浩蕩江海失攀援濁酒非能醉深交不
易言明朝空寂寞獨對野人園

江上早秋

丙申歲作

靡靡菰蒲已滿陂菱花菱葉共參差卽從景物看身世却怪飄零在歲時
得食野鬼爭去遠避風江鶴獨歸遲干戈此日連秋色頭白尤多朱玉悲

江上書懷

滄濱城邊秋氣高鷺鵲鴻鴈各求曹不眠更識匡床穩欲太還思小几牢
幾處尺書俱寂寞百年雙鬢獨蕭騷秋江欲渡愁難渡風雨龍吟長怒濤
和王叔善祀天妃有雪

酒正初傳內府醪南來河伯避行舸百年祀事崇邦典半夜神光出海濤
花散曉風紛爛熳禮成春殿肅清高聖躬端爲蒼生禱不比乘槎漢使勞

聞笛

花發吳淞江上村隔花吹笛正黃昏風塵遠道歸何日燈火高樓合斷魂
夜靜幾家無別泪雨聲冬白過處一作隨開門天邊楊柳今無數短葉長條
非故園

滄濱龍王廟晚眺

滄濱高城今已殘獨餘木葉洒驚湍風雲浩蕩時將暝江水蕭條龍亦蟠
千里吳鄉多戰伐孤舟蜀客轉飢寒弊裘涕泪兼新舊終日思家敢怨歎

南村

南村烟樹接蒹葭白鷺翩翩滿白沙此地遂成茆屋計何人更識老夫家
卽開斷壑行新竹便接平臯樹雜花戎馬紛紛終未已此身泛泛獨長嗟
兵後大醉陶與權宅丙申九日也

酒到愁腸味頗醇花因白髮更精神兒童休笑燈前舞老子今存死後身
何處江湖爲樂土誰家門戶有閒人多情獨有陶徵士醉過清秋不厭頻
春日溪上書懷丙申歲

溶溶春水雜蒹葭嫋嫋晴風度落花小巷幾時佳客至新詩獨向野人誇
未聞汗馬收諸國且逐閒鷗坐淺沙春色酒盃俱在眼底須辛苦欲還家
久雨

荒村處處聞流水艸間時時自掩扉庭樹葉深沙鳥宿野藤花退蜜蜂稀
只將書卷消長夏更倚漁舟送落暉天意未教戎馬息老夫漂泊敢言歸
丙申三月一日北山雨望時張士誠據吳

東雨蕭條江上來隨風露灑氣幽哉陸機茅屋終難住伍相祠堂亦可哀
獨客飄飄何處去孤帆寂寂幾時回時浙省使節由海道入龍竹枝聲斷滄江暮短髮

無辜獨受併

池上書懷

野水寒冰上曲池薄雲斜日下疎籬黃蒿處處迷歸路滄海年年少故知
北望朝廷非昔日東來兒女更依誰老年拄杖猶無力況是飢寒氣血衰
張叔溫諸公携酒至泖濱明日作此奉謝

八月風高鴈鴈飛三江潮落蟹螯肥已拚白髮如秋水不厭清尊共夕暉
氛祲遠連豺虎窟波濤晴晃芰荷衣揚雄舊宅城東住騎馬歸來月滿扉
大雨書寓所壁

五月六月雨綿綿東望黃浦水連天小溪漫漫不可渡高岸兀兀何由全
家童種荷已穿壁野老捕魚還滿船南隣少婦亦可惡濁酒盈缸須見錢
秋日海上書懷丁酉歲作

寡妹城西消息稀老夫漂泊幾時歸朝廷計議知何意丞相征行事已非
東去鯨鯢方作橫南飛鳥鵲正無依可憐白髮孤村裏終日哀哀賦式微
舟次上海縣

海上驚風亂鶴飛千村霜露亦霏霏清砧自是逢秋起白骨何由遠道歸

戈甲只殘螻蟻命江山終屬虎狼威自憐此日身將老況復中宵淚滿衣
孟陽曰可謂氣骨高妙

海上書懷丁酉歲作

十年不見鸛鵲軍千里猶殘大苑羣涕淚每從天際老檄書誰道日邊聞
荆蠻戰克心猶忍淮寇平來地已分莫怪腐儒東海上時時哀怨動秋雲
寓所二首丁酉二月

艸閣閑庭春水邊雨晴風柳自紛然隣翁對客還爭席水鳥依人欲上船
西北朝廷無使節東南城郭有烽烟老夫避地非遊說正少蘇家二頃田
西齋春樹日陰陰下有飛花一尺深幽趣未容他處坐新詩只向此中吟
隣翁小圃春相接漁父扁舟晚更尋歸去故園應念此他時懷抱亦難禁
登虎溪閣

秋深時節雨霏霏獨坐江樓看鴈飛煙火數家山郭晚蓬檣幾處野航歸
謀生計畫人皆笑投老鄉關事已非聞道淮南新易將江湖此日亦沾衣
秋晚東海寓舍

落葉寒蟬小巷深枯藤紆日半牆陰讀書稚子當軒坐爲客衰翁倚杖吟

滄海未知終老計白頭難忘故園心弊裘零落餘雙袖清泪年來似不禁

沙邊

沙邊細路少人行只有閒花樹樹明水閣經春塵自滿風簾終日鳥爭鳴
躬耕豈願將軍顧肥遯聊成處士名白鷺晴烟滿平野老夫於此最關情

次楊廉夫先輩韻

吹笛春江烟霧稀幽芳小艸總相依巫峽寧知雲雨夢滄洲欲試芰荷衣
花間鶴鶴迎人起波上魚龍挾棹飛不似南州庾開府鄉關頭白苦思歸

姚性存將歸鶴沙以詩見別次韻

十年避地誰知我此日看君自可人空谷正思駒皎皎清溪還度石磷磷
韓公住處皆荒服區冊歸時及早春聞道沙邊風俗好老夫東望欲爲隣

壬寅九日

野老園籬江水東溥溥夕露滿幽叢已斂短髮從天白未厭秋花特地紅
身世只今惟仗酒安危從此不關儂神交賴有陶徵士避地休官意頗同

過楊右丞墓

鐵騎千羣下九江將軍才氣古無雙誓傾淮海鯨鯢窟痛洗東南禮義鄉

關羽不防吳寇入費禕終感魏人降腐儒憂國思家淚獨向西風灑石缸

寄南臺椽朱自明時初復役

世祖行臺列俊賢椽郎家世本儒先一時人物青雲上十道風霜白晝前最愛羣公交薦日正逢天子中興年腐儒飢餓干戈際欲買山陰雪後船

白燕

故國飄零事已非舊時王謝見應稀月明漢水初無影雪滿梁園尚未歸
柳絮池塘香入夢梨花庭院冷侵衣趙家姊妹多相思莫向昭陽殿裏飛
別本起句云老去悲來不自知是後人移改

附見時大本一首名太初常燕人

白燕

春社年年帶雪歸海棠庭院月爭輝珠簾十二中間捲玉剪一隻高下
飛天下公侯誇紫領國中儔侶尚烏衣江湖多少閒鷗鷺宜與同盟伴
釣磯

楊儀驪珠雜錄曰時大本賦白燕詩呈楊鐵厓鐵厓極稱珠簾玉剪之
句袁景文在坐曰詩雖佳未盡體物之妙康夫不以爲然景文端作詩

翌日呈之鉄匡擊節歡賞連書數紙盡散坐客時呼爲袁白燕以此得名李獻吉曰白燕詩最下最傳非通論也

送曹新民歸東州

十年西浙曳長裾千里東歸指舊廬原上鶴鴒終有托旅中高傳近何如朝廷未擬申公使弟子猶傳伏勝書江州江花總無限爲君今日重嗟吁賦綠珠得車字

緣珠初嫁石崇家細馬輕鞍七寶車已用明珠爲陷而更輸白壁教琵琶日日東樓傾美酒朝朝西苑看名花只爲恩深不相棄還將玉體委塵沙觀王生所藏王維画

右丞小景樹參差我有林塘實似之日日欲歸還踴躍時時借看解愁思恨無黃鵠高飛去獨奈沙鷗靜不移明日江頭候春水典衣沽酒待篙師浦上木芙蓉盛開約黃鸝山人共觀

江浦芙蓉色正深清霜點染更沉沉孤舟向日曾親見短褐年今欲遠尋已擬携樽同野客不妨展席對沙禽明年臂痛應全愈移壘東園野水陰野航爲范子俊賦

一舸裏猶野水邊
渚禽沙鳥各紛然
幽花滿棹初維岸
潯水連隄忽上天
世上風波終未已
江南烟雨正堪眠
他日鴛鴦舊我飲
更憑孤鶴問坡仙

鏡中梅

的皪孤芳野水濱
折來應是曉粧人
瑤池風暖香初散
銀漢春回跡未真
奔月定知猶有影
凌波却喜不生塵
綠毛么鳳無栖處
來往蘭房不厭頻

題趙王夜宴圖

玉戶金釭夜未央
邯鄲宮裏奏絲簧
鄭姬已醉韓姬倦
誰拂君王白象床

題吳王內涼圖

微月斜侵響屨廊
芙蓉清氣滿金塘
鴛鴦只傍闌干宿
也愛君王水殿涼

題吳宮衰柳圖

遠岸依依落日明
吳王醉處少人行
多情獨有垂楊樹
猶送深宮夜雨聲

遣懷

白髮三江一腐儒
長年耽酒不耽書
偶逢世亂無生計
落日烟中自把鋤

日莫卽事

茅屋秋來破不勝
野雲沙樹自層層
老夫生理今拋廢
日日江潭去採菱

費夫人

官軍應賊着紅巾苗獠來時更不仁若道南州無節婦請看東海費夫人

楊員外

羣盜南奔日月昏諸公臣節不須論白頭惟有楊員外不負從來天子恩

聞山東消息三首

王事私恩不共天益都城下枕戈眠鯨鯢戮盡爲京觀二孝臣忠億萬年
李忠襄死益都城下在壬寅六月

縱道山東杜石傾華夷黎庶不須驚張皇國勢如平日唐事新來總父兵
是贊郭初總兵圍益都之日也

從今父老不須悲唐事英名四海知漢室中興吳楚破餘侯元是絳侯兒
陪鄭明德倪元鎮遊天平山四首

官河春水綠悠悠水上人家盡畫樓買取吳娃三百酒放船直到百花洲
高臺千尺對層巒只許吳王醉裡看山色不隨勾踐去遊人還得倚闌干
鄭監風流老不衰倪寬頭白更應痴吳越英雄已泥土欲從江海問西施
百花洲上百花開花是吳王舊日栽吳王去後無消息處處看花人自來

醉後口號二首

新書欲獻帝王家，奈此家貧道路賒。
醉卧江村風雪裏，時自比賈長沙。
誰人更識賈長沙，老作江南百姓家。
但使瓶中有春酒，不勞慟哭與長嗟。

馬益之邀陳子山應奉秦景容縣尹江上看花二公作竹枝歌子亦作數首

吳淞江上好春風，水上花枝處處同。
得以鴛鴦與鸕鶿，時時來往錦雲中。
水上花枝日日開，行人頭白不能來。
請看門外東流水，瀟瀟同滄溟更不回。
江水東流更不回，行人白髮苦相催。
只恐明朝風雨惡，夜深燈燭亦須來。
千株雲錦照江沙，沙上青旗賣酒家。
莫怪狂夫狂得徹，吳姬玉手好琵琶。
吳姬玉手好琵琶，少小聲名到處誇。
但使主人能愛客，年年來此看江花。
江花紅白最堪憐，莫惜看花費酒錢。
他時白髮三千丈，縱使頻來不少年。
黃家渡西多好春，黃家渡上酒能醇。
看花喫酒唱歌去，如此風流有幾人。
寒食清明正好春，看花須着少年人。
少年看花花自喜，白髮看花花亦嗔。
松江水碧碧如天，水上行人坐画船。
記得吳兒竹枝調，爲君高唱百花前。
日日花前金回羅，自年能得幾經過。
花開花謝人還老，狂客狂吟莫厭多。

寄語看花江上人清明時節好來頻清明節後多風雨風雨顛狂惱殺人

口號一首丁酉歲作

白沙鄉裡今年熟清酒家家味頗醇明日杖藜行處醉只愁齟齬惱比隣
集外詩一首

蚊

羣蛇戢戢方鬪爭蝦蟆蛄相和鳴百足之虫行無聲毒氣着人昏不醒
蚊蚋雖微亦從橫隱然如雷吁可驚東方日色苦未明老夫閉門不敢行

列朝詩集

甲集第二終

列朝詩集

甲集第三

表御史凱

在野集古今詩一百八十八首

新除監察御史辭貫涇別業

側席念賢俊旁求逮凡鄙謬常南宮薦重此柏臺委命嚴孰敢後中夜去
田里鄰友贈千邁切切語未已妻孥獨無言揮淚但相視于時十月交悲
風日夜起輕舟泝極浦琴瑟嚮枯葦驚鳬亂沙曲孤獸嗥荒市回首望舊
廬煙霧空迤邐撫膺獨長歎胡爲乃至此顧予久縱誕迹隨鹿豕及茲
年已邁精氣固銷毀趨事深爲難速戾將在此皇恩倘嘉惠還歸卧江
水

下直懷北山隱者

載筆侍雲陛向夕始餘閒撫彼清冷觴慰此憂戚顏出軒月纔皓臨街露
已繁廣庭行且止修檻太復攀幽樹謫深翠餘花發微殷俯仰不知久星
漢忽西還歸來空房卧嚴城漏欲殘鴉鳴九井動劒珮亦珊珊將隨夔龍
後祇肅謁重關緬懷息心侶遺世在雲山焉能從之去逍遙巖桂間

答禮部江主事漸

谷鳥嚶其鳴求友聲亦屢況生烝民間豈不念朋助齊魯久咨訪梁宋亦
馳驚末路值伊人慨然樂平素文義旣馴雅操存復貞固輔仁將在斯有
挾非所慮欣然得嘉會終歎少暇豫幽贊宗伯禮于牽中臺務俱限清切
地日夕徒思慕茲辰委篇什衷情極披露綢繆卜鄰意委曲耕稼訴靖節
休官辭安仁歸田賦二子不可見千載同軌度嗟予甚蹇劣意復希高步
聊伸菲薄意用答賢俊顧東歸果能遂林廬得依附杉榆輝映帶雞犬互
來去開園每賞新散帙共溫故茲意幸勉旃歲久恐遲暮

察院夜坐

夕散車馬寂月色東坡上歛衣高堂坐重門靜無聲文奏屏在篋朱墨委
虛幌簷影望參差霜氣紛蕩漾耳目幸無役心意多遐想園廬日應敞蘿
葛春還長況茲綱紀地主事方鞅掌安得春江棹東原歸偃仰

淮安道中

花明野館靜樹暗流鶯語行雲千里來凌亂傷心緒傷心復何事家在江
南渚日暮莫回頭脉脉江南雨

適揚州

淮海表茲郡東南誠要津近代亦雄藩親王蒞斯民荆吳自茲入燕趙亦
來臻舟車無停運華貨若丘墳冠蓋充鄆里歌吹咽城闔美酒既如澠粱
肉夾道陳休養近百年富庶難具論大道無恒處榮悴每相因風煙一披
拂奄忽同埃塵空屋嘯時鳴塋垣走驚麋往蒲交四野觝牿儼若新貴賤
不復知賢愚安能分子有山陽遺經過屬秋辰憑高肆遐覽落日無行人
欲繼蕪城作薄劣愧參軍

京師歸別業

郊園艸已遍雜卉駐餘春遊絲牽木杪孤鶯鳴水濱羈人懷舊居日夕自
傷神遙遙千里途豈復念苦辛欣然入塲圃兒女各來親當軒釋負檐拂
去衣上塵老夫行役久歸來志復伸陶潛愛清風張生思故尊援筆爲此
詩示我隣里人

新得谿上茆屋

食肉賤嫌覈飢人安敢辭狐貉輕短褐寒士爲固奇自予遭世故舉室盡
流離東臨滄海岸北度三江湄蛟螭時作橫鯨鼉屢見欺展轉及衰暮始

見此門楣徒壁類司馬上漏似原思既無陳平席豈有董生帷覆簣或成
墻編葦聊當籬迢迢白沙岡當戶勢逶迤遙遙秋浦波臨軒散漣漪翻蜚
野鳥群參差灌木枝賦此平生意庶爲百世規湫隘誠可哂欣幸方在茲
新治圃成

隙壤所自治剪荆去龍茸幸無焚穢雜況此清泉涌灌滋竟朝夕勾萌各
森聳青蒲已彌澤黃瓜方卧隴春菁向堪把秋梨日應重自余通宦籍職
事勞紛冗祿食雖云美私心恒自恐歸來得蕭耶采蘋聊自奉且遂丘園
樂永謝承明寵

出西郊

谷陽門西路澗汨澗清川舟艦相縈帶蒲荷亦芊綿依依望江渚漠漠吟
湖田湖田今有歌老穉飯紅蓮此實父母邦亂離乃弃捐垂老幸得歸不
識陌與阡卜築願茲始逍遙終百年

復出西郊

步出城西門春岸多流水離離沙鴈去棧棧江雲起居民亦何事南畝將
耘耔提携汀沙際吳語煙霧裏自予離兵燹廿載勞轉徙歸來展遊眺茲

然懷我里餘年幸有待佳景終可理

遊西野

吳王逐獸地士衡聞鶴亭古人不可見荒原今獨行遺堵儼若存阡陌復縱橫依稀望極浦迢遞盼春城江樹旣晚靄原花復晶熒長煙覆漁屋白水亂鳬汀山川豈云異人事有消停卽此傷往時聊復樂其生寄言後來士此理可自明

懷廣西省朱郎中熙

洞庭秋色晏蒼梧雲氣深夫君萬里去山水迥沉沉竟日凌浩渺連天逃岑峯竄羅遊近渚猿狖戲遙林荏苒杜若香蕭條楓樹陰皇朝重茲土遠氓方致琛而我將何念歲莫獨離心離心一何極日夕遲徽音衡陽鴈不到搔首更沉吟

自楊子舍舟步入常熟縣

水行已兼旬舟楫苦馳逐晨昏侶鮫鱷出入同鴈鷖黑風無終竟白浪仍反覆鏗鏘絕天樞滂湃折地軸旋淵屢傾墜利石時抵觸淪喪固非遠哀額寧辭黷皇天實陰譴茲辰遂平陸神鬼息漂蕩手足散頑木徒侶紛來

慶酒載及奴僕況茲春氣和百艸回新綠山桃亦多花逶迤自相屬枌榆
已在邇曠隔無再宿從茲謝奔走且飯東臯粟

書北山精舍壁

夙昔慕幽曠中年值奔走及茲始知返顧已成皓首茲爲山水選風氣固
深厚岑律皆巘嶸綿邈盡林藪清泉瀉幽磴白雪被層阜旣多緇素流況
有耕釣叟初心已云協雅言得兼受始來疎梅墮復此山櫻剖庶幾去日
逢誰謂行當久揮手謝朋侶吾將寄衰朽

送吳本立歸吳門

九月氣已肅蟋蟀入牀下離離南來鴈寂歷江上雨傷哉遠歸人斯時不
遑處豈惟懷鄉里瑩域久慕莽樵蘇無可禁莫謁曠時序長年抱憂感愴
鬱將誰語茲行遂初志況復念勤苦勾吳不可見迢迢望煙渚

久旱雨後行園

旱雲不可沮丘園生意窮旨蓄已無遺何以御吾冬昊天無終極玄化沛
神功密雲興四郊飛雨蔽遙空涸池旣堪蕩長溝復淙淙衰茄漸回紫梨
亦高垂紅堤柳更薄陰汀花還短叢荒壠愛登陟平林望青驄卽此已愉

悅固知剋疲農愧無詩人德何由歌屢豐

送縣學生顧立夫歲貢人京

霰雪殊未已山川氣方沍千里向蕭條胡爲事奔赴明廷策多士歲貢有
程度海隅蒼生地慎慙恐違誤況茲生民秀聲聞九庠序居然瑚璉器匪
但才華富茲行協輿論拭目俟騫翥朋游極追仰張設臨浦淑疎柳凝晚
色幽花抱寒素嗟余久衰邁復此動離緒悵望天際帆徘徊郭西路

池上二首

秋池行樂去池樹色已暝露下夕衣涼月上風簾靜飢禽墮疎竹鳴蛩出
深井夜久人事息蕭然諸念屏
振衣書齋客逍遙池上步林隈薄霧起石隙幽泉度鷗迷夕樹逐魚觸秋
荷去清聲水上來欲去更延佇

偕友人早出郊

離羣寡游豫得朋殊繾綣相將度春水散漫入芳甸班荆煙乍歛摘花露
猶沾林鷺坐未出沙鳥飛還見遙山浮空翠晴雲曳輕練一聽野人言復
起滄洲願

席上懷吳善卿

荒城下餘照高樹畱殘雨林靜微花落梁空孤燕語美人事征討日夕嚴
虎旅接袂竟何由持杯望煙渚

題東齋壁

林廬寄幽曠墮落但煙霏澤葵依廢井秋瓜生故籬左右皆鹿場水鳥終
夜飛我來歲云久似與世相違讀書不聞道聊復自娛嬉濁酒雖不多酌
之亦忘飢仰父雖云仁樹塞猶見非小人固有分儉陋乃其宜原思坐鳴
琴允也百世師

鄉友携酒至舍下

野老何所將春醪及園蔬遙遙適我舍相與爲歡娛上談羲皇際下逮唐
與虞秦漢無足論且復話樵漁樵漁雖微賤頗似淳古初戒之勿易言相
顧但嗟吁且盡一日樂焉能念其餘

茅宇

丘中有茅宇賤子所自治東西貯筐釜中堂誦書詩雞豚各有家蒲荷亦
有池農器更相貸種樹及時爲朝出在田中日暮還此歸鄰里相往來春

醪亦共揮老夫年既邁筋力固當衰厚祿非所慕好爵不願麾但願衡門下長無寒與飢

置酒

今日非昨日置酒衡門前林花發光彩飛鳥亦翩翩弱女時往來小兒誦詩篇細君亦不惡中饋能周旋春蓀前後至炮鼈味亦鮮自我求此居倏爾已三年終歲不能安憂患相纏牽乃今得此樂豈復爲偶然壺盡汝當沽醉來我自眠

詠池上芭蕉

亭亭虛心植冉冉繁陰布旣捲猗蘭砌還覆莓苔路卷舒今自知衰榮隨所寓默契方在茲臨軒挹清澗

早出田所

愧無經濟術徒有茂異名行游三十年不見有所成婦來得荒地僂俛始學耕方春多雲氣甘雨亦時行大澤含澄瀾溝澮皆滿盈清晨出門去路與煙霧并庶幾望秋實敢懷勤苦情日午有濁醪揮汗且復傾

耕田

賦薄非令器容受固不宜六籍雖云誦於道竟何如晚途棄末學農圃以爲師方春治臺笠南畝秉鋤基出入田水間霑濕豈暇辭但願秋穀成童稚有粥糜沮溺自辭世小人安敢期

古意二十首

八紘何茫茫千里復萬里六馬方驕悍蹀躞終未已東臨碣石岸西涉流沙水炎州氣輝赫幽谷水迤瀾白日墮崦嵫倉惶將何止王良本賤工善御徒云爾焉能繫其足伏檻噉芻豢

翩翩爲學士冠帶自成羣朝去莫來歸終歲常辛勤盈盈發春葩燁燁競芳辰飄風倏然來零落成埃塵黃鵠游四海日暮集崑崙願言息爾駕還居守蓬門

團團明月珠墮此濁水中光彩雖未泯淪沒豈有窮拔山固神力舉鼎亦無雙徒有千尋纆挽之竟何從顏生不遠復斯爲蓋世雄

楚人好魚目越人薦明珠一日三至門主人行徐徐相見纔一言薄送下前除洛陽蘇季子黃金滿後車鄒軻誦堯舜白首走道途

蓐食出門去慘慘踐嚴霜問子將何之千里赴洛陽洛陽有劇孟任俠世

稱強我願從之游氣勢相頡頏路逢三子被服儒衣裳少長各有禮講
誦麋鹿場中心忽愛慕與彼遂相忘

中夜泊舟楫越海遠遊遨遊將何爲萬寶聚巖坳珊瑚七尺餘珠樹羅
蓬蒿持之向中國可以金張豪出門忽不樂欲進心恒慄但恐蛟龍怒骨
肉淪波濤人生亦有命聖賢莫能逃遺穗尚可拾言歸卧林臯

秦師困邯鄲趙氏旦夕危魯連山中來排患在重圍折衝不復言辭金忽
焉歸清風映東夏千載以爲奇我思鄒孟氏處世一何宜被髮雖可救閉
戶終可爲斯言足明訓賢獨未之思

茫茫古人中我愛原子思食粟豈云飽衣裘豈應時憔悴衡門下彈琴唱
逸詩大夫適何來駟馬行駢駢入門卽長歎念子病何危貧病固不同發
言忽若斯誰爲同門生白首不見知

莊周善著書汪洋不可禁時時詆仲尼何況賜與參南金鑄芻狗隋珠彈
微禽自昔多橫議言高罪彌深

李斯遊洛陽名遂身亦危一人具五刑於古豈有之呼兒語黃犬相顧涕
交頤斯時夏黃公商山方採芝

段生方踰垣泄柳方閉門二子豈獨善蓋亦避世喧種與在南野種葵在東園日夕飯一盤萬鍾何加焉周孔有遺書學士有遺言吟詠荒園裏聊以終歲年

朝坐高堂上白飯鯉魚羹暮歸高堂上華燭送清觥況有四海人相愛如弟兄彈琴析疑義歡樂各有情以茲度一世聊重不爲輕不學狂圖子空山望長生

登高望八荒未見不死人徒看後來塚累累傷我神怕僑與安期於今亦不存如何學仙侶服食正紛紜獨羨顏氏子陋巷以爲仁

陶潛不願仕既仕亦爲貧遙遙去鄉曲當時已酸辛衣冠對俗吏自卯直至申終日惟一飧濁醪豈需唇歸來荒園裏此志乃復伸清風坐北窗雞黍會四鄰茫茫宇宙中我思見其人

白日生東海倏忽墮崦嵫皓月方滿盈斯須亦已虧淮陰有奇功赫赫在一時焉知束縛去還爲兒女欺大道毋如此人事安足悲獨羨鴟夷子輕舟去江湄

迢迢青雲上自昔爲亨衢亨衢豈無極下視乃泥塗商君變法時寧知裂

其軀貴賤更迭來榮辱在須臾願爲雙黃鵠游戲江與湖
關中論功業相國稱發蹤一朝清苑地廷尉忽相逢免冠且徒跣局促如
兒童陸生雖堅儒進退頗從容

文皇好直言容受無畱停鄭公在當時頗得諫諍名 稱田舍翁千載傷
我情嬰鱗固爲難回天亦非輕先人有薄田歸與長沮耜

幽谷有貧士白髮被兩眉人事既乖互年運亦迤邐敝屣久不縫短褐風
已穿讀書雖聞道好酒況無錢常遭富人笑豈有貴人憐我聞齊景公千
駟亦徒然夷齊餓西山後世稱聖賢

十五志爲學四海訪鉅儒低回梁宋郊浩蕩齊魯區庶從父老問得親交
游徒惜哉戎馬起中道乃趑趄歸來卧荒園白首成下愚

鄒園十詠

釣磯

白石自團團春流亦漾漾閒漚兩邊至輕絲風外颺旣寡羨魚情還聞濯
纓唱嗟彼磻上翁投竿復何向

柳堤

柔條被晴莎密陰覆芳杜逶迤起沙際寂寞連水滸
鷗眠雨未歇鶯叫煙初曙還將竹竿去從爾釣春渚

碁墅

蟲蟲林影靜白石沉如砥幽幽青苔色離離見屐齒
豈無橋中叟還逢爛柯士日入始言歸相送青川淚

瀑布

青崖瀉流淙蜿蜒在窗戶臨風噴輕雪穿林散飛雨
高原出無盡餘澗霑還溥羨彼軒中人似坐匡廬下

桃蹊

繁花亦何言人至迹愈顯因石自高下緣源屢回轉
鶯啼陰久匝雨霽苔猶淺漁父欲問津煙中聞雞犬

魚淵

幽壑湛虛靜衆儵遠來歸游泳方自得沉潛亦其宜
旣無網罟憂荇菜復參差碎彼翔集鳥悠然竟何疑

濯清

潭自川上來泓澄復瀟淪涵虛既晶晶度遠方粼粼番番中林吏長纓久
埃塵臨風且浩歌似念滄浪人

蓼灘

衍迤近橫塘陂陀間幽渚輕蘊含夕霏叢條偃秋雨縱橫覆魚隊闕寂來
鷗侶杖策時一臨逍遙更延佇

松壑

矯矯千歲姿生此衆石間微颺度巖阿殷殷起波瀾幽人一壺酒日夕自
怡顏安得川上舟與子相往還

杏塢

窈窕石徑深參差繁英滿發采已云竒生香殊未斷依依千路粲粲未
陳阪月色散疎景時時坐橫管

辛酉大醉書東郊主人壁

洪武十四年

人生百年中疾疾與災危風雨愆期至歡樂能幾時仲春二三月桃李正
華滋胡蝶滿東郊倉庚鳴且飛招我同心人策馬試輕衣東家飲美酒西
第彈鳴絲鳴絲未及已四座賦聲詩日暮始歸來明且復如斯君看多財

子計惜在毫釐終夜不能眠握算至晨曦一朝籍縣官雖悔何所追

采石春望

夜泊青山渚朝登采石磯蜀雪應消盡吳船猶未歸五湖花正落三江鶯
亂飛同行王主事此日亦沾衣

泗上書懷

爲客山川遠封侯歲月遲後生方爾汝吾輩復驅馳豈是逢迎倦深知氣
力衰還將歸老意先報白鷗知

泗州書懷

白髮三吳客清秋泗水邊官途隨老馬歸夢逐風鳶酒盡尋僧舍書來問
客船淮南與淮北漂泊過年年

思歸兼簡嚴八

天高風正急鴻鴈傍人飛江外無來使淮南盡搗衣悲歌聊當泣遠望亦
同歸爲報嚴夫子滄洲與願違

送李十戶時將有海東之役

中國人俱化東夷貢米修聖君能大勇滄海卽浮漚龜虎當前隊魚龍擬

上遊人言漢飛將今日定封侯

京師婦別墅

政拙辭馳馬身閒問綠蓑此生人共弃長日自行歌野圃啼鶯滿春江聞鴨多黃家酒壚近風雨亦來過

春日偶書

罷官御史府屏跡五湖東江水清山花發酒倚野情方浩蕩高論入虛空明日春田事還尋荷蓧翁

宴王主簿宅

故人王短簿老未卽歸田賓客尊耆艾園池有歲年好花留舞蝶高柳宿啼鶯最愛西亭好時時得醉眠

懷王道士

宣城王道士愛着芟荷衣一自清江別三年白鴈飛酒徒隨處有沽客向來稀最憶青城夜狂歌不肯歸

王仙人遠過

聞道神仙侶來尋野客園談玄終未悟對酒且忘言接樹朱櫻密綠坡紫

笋繁醉餘春水上坐聽白鷗喧

春園

春園江水上江霧日昏昏沙暖常垂釣花深不閉門
家童鋤麥野客共盤餐衰老仍耽酒經年懶出村

村居懷京下一二友生

罷職非能吏歸田卽老農有詩聊度日無字可書空
白髮將誰念黃梁且自春故人能問訊家在五湖東

馬氏西園宴別吳進士善卿

竹陰連水屋荷氣集池臺南國佳人去西園高宴開
好風因樹起新月渡河來別後江潭上離腸日九回

別墅

春園含薄霧野水散輕陰落絮隨風舞啼鶯坐樹深
旅情方自遣幽意待人吟獨少楊雄客時時載酒尋

送任李二高士歸越

老去任公子重來李少君仙凡初不遠江海自離群
水遠吳宮樹山連禹

穴雲汀洲有長笛日暮不堪聞

飲馬氏東園

烏衣東苑內春色正芳菲上客調詩律佳人試舞衣天桃連雨發鸚鵡入簾飛況是多春酒厭厭夜不歸

賦陶與權雲所二首

豈有從龍意還同野老居覆花初冉冉度水亦徐徐隴上時相逐溪邊或目鋤猶能作霖雨霑洒及鄰墟
斯人肥遁士高卧亦無心野樹留餘潤春花帶遠陰近床衣欲冷拂石坐還深爲問陶弘景何如隴上吟

懷王生

王生本靜者郡邑少經過家住清江曲春來白鳥多親庖餘酒肉官賦入菱荷歲暮兼相憶臨流獨詠歌

立春日飲任氏西園

把釣埽東海開筵近北臺千林殘雪盡萬柳好春回中散調琴坐山公待酒來更須花滿樹終日此銜盃

飲田家醉後書王生壁

勲業心逾懶耕鋤意頗長牛衣方自卧麟閣聽渠忙瓜果隣家席詩書野
客堂醉餘還講誦未見老夫狂

水鄉寒氣早未暮掩柴扉籬落無人過雞豚各自歸老妻熏鼠穴稚子卧
牛衣安得盈缸酒深盃日日揮

聞張處士竹林甚盛欲觀未能兼簡王一秀才

聞道南村竹春來接遠坡色侵沽酒旆聲送濯纓歌甚欲敲門看須憑拄
杖過餘陰過西沼應覆石軍鵝

陪陳應奉諸公宴馬氏西園

西樓臨曉日青蓋度行雲歌吹三春好賓朋四海聞絮嫌飛燕態花妬綠
珠裙曲誤誰能顧周郎思不群

京師懷吳中黃道士

吳下黃師我所憐江湖離別又三年家貧似爲耽詩句世亂誰能與酒錢
溪上瓜田應蔓艸沙邊茅屋正風顛稍待東南春水綠老夫書札寄吳船

治亭寓目

百尺孤亭落照間六朝遺迹艸斑斑榮華有盡英雄去江水無窮鷗鷺閒
商女晚來猶自唱行人春盡不知還故園遇在三江外烟樹微茫獨倚闌
喜洪山人恕復至

烟巷雞鳴曙色開秋林鵲噪遠人回老夫白掃風前葉稚子兼鋤雨後苔
近市酒漿渾易得傍溪魚蟹亦須來鷗邊野水明如鏡更坐寒山共一盃
京師歸至丹陽逢侯生大醉

白下西風吹夜涼五湖秋艸著微霜千家砧杵初凌亂獨客關山正渺茫
歸去定應殘臘盡飄零猶幸此身強丹陽郭裡盈樽酒且爲侯芭發醉狂
歸來

淮甸西風送客歸江潭落木正飛飛屋邊鸛鶴鳴高堦道上狐狸笑弊衣
濯足每嫌秋岸冷攤書還趁夕光微倦遊季子真相似獨有賢妻肯下機
郭外寄王錄事

白鷗黃鳥動春聲綠樹清波稱晚晴何用城中走塵土只消江上過清明
深村濁酒還堪醉野老狂歌亦有情寄語東門王錄事底須辛苦過平生
過黃耳墓有感陸士衡在洛被徵時寄書犬也墓在華亭南

黃耳墓前春日遲
柳條花萼正參差
多才已逐浮雲去
異物猶令後代思
顧養有恩終不肯
交遊何事獨相欺
春風綠酒人皆醉
落日孤舟自咏詩
春日溪上謾書

白髮何煩試鶻冠
清江久欲把漁竿
涓涓濁酒須成醉
嫋嫋晴花已倦看
不忍燕鶯頻往復
且留鷗鷺與盤桓
東家野老渾知我
日日相過却自歡
賦黃葉漁村

澤國西風霜樹多
蕭條茅屋倚江波
家人酒饌兼蝦菜
野老衣裳雜芰荷
東海任公時問信
滄浪孺子亦來歌
白鷗亦有忘機意
清影相看奈爾何
懷曾彥魯

不見曾公白髮侵
酒杯棋局最關心
年華冉冉情何限
江海悠悠水正深
欲買小舟隨鴈去
便從幽壑聽龍吟
明年春滿長洲苑
拄杖穿花處處尋

詠溪上所栽桃

桃樹移栽近淺沙
呼兒插竹護欹斜
秋來擬喫垂垂實
春到還看浩浩花
旋置酒旗深處掛
更將漁艇密處遮
老夫本是文章手
故少新詩對客誇

寄題馬氏艸堂兼柬黃二秀才

江上艸堂風物幽

江花紅白滿汀洲鳴鳩呼婦東西去麋鹿將兒遠近遊

已有軒窗成晚趣

艸堂有軒更無舟楫散春愁東林早晚櫻桃熟應與黃香

數勸酬

江上櫻桃甚盛而予寓所無有忽蘇城友人惠一大盒故賦此

野店荒蹊紅滿枝暖烟微雨共離披忽思西蜀勾圓顙正值東吳遠送時

老子細看方自訝兒童驚喜欲成癡拾遺門下曾沾賜此日飄蓬也賦詩

得馬叟書作此遠寄

洛陽馬叟世稱賢童稚相看四十年只道詩名傳宇內寧知酒債滿江邊

蓬蒿久沒揚雄宅蝦菜聊隨范蠡船此日將書付歸鴈不勝清淚溼吳箋

浦上寓所

我有茅堂南浦潯回崗千尺晝陰陰繁花映帶墟煙密弱竹留連海氣深

寂寂軒窗惟鳥下蕭蕭風雨亦龍吟東家野老猶淳朴酒熟瓜香數見尋

橫溪寓所

高林深竹氣冥冥野色波光更滿汀艸閣雨晴鳴翡翠花畦風暖入蜻蜓

書成已與山公絕賦就惟教阿買聽猶未忘情是杯酒尚煩隣里致盆瓶

飲謝氏東園

謝氏池臺多好春風簾水檻不疑塵千鐘綠酒能留客滿樹黃鸝更可人
蝶翅乍驚歌扇遠柳花輕觸舞衣頻醉餘蕩槳城東去正值南湖月色新
次圭法師過金秀才隱居二首

墟里人家烟霧深背岡茅屋自陰陰不愁逸竹妨嘉客自愛繁枝集衆禽
田父耰鋤時得借漁人舟楫莫相尋舊開鷄犬桃源裡彷彿溪邊花樹林

幽人讀書黃浦上蕭條茆屋倚溪傍霜寒木葉深深赤潮雜溪流混混黃
旁舍杯盤多芋栗秋園門巷亦馨香爲語當時仲長統輸君清曠自徜徉
程孟陽曰金元人亦多學杜未有如此翁之自然者妙在曠達覺劉青田尚多着意

清明獨坐

花柳千家郭外村老夫官屋近荒園晴林渺渺浮雲氣細艸油油疊浪痕
川上画船爭載酒煙中長笛自銷魂暮年况復追遊倦落日泥牆獨閉門

次廣西省朱郎中熙見寄韻二首

萬里蒼梧入望長微垣新治日馨香已知南土無鸚鵡更擬西郊聽鳳凰

談笑定應多暇日羈縻况復有成章幙中選試鍾王帖書遍闌干葉上霜
衡陽南去與天長荔子紅椒處處香明月關門無虎豹清風臺閣有鸞凰
六考已入皆三脊卉服新成有九章幙下文書自稀少醉餘崖蜜啗紅霜

次方明謙指揮海上築城韻二首

城堞遙連北斗斜島夷從此識中華諸侯幕府多春酒上將歌謠雜暮笳
別去幾時還下榻興來何日欲乘楂爲報安期頭白盡更煩重覓棗如瓜
旗影翩翩整復斜中天星月動光華千群貔虎方屯戍萬里魚龍聽鼓笳
聖主自多開國老小夷休恃上天槎却煩上將頻思念時問東門二畝瓜
偕黃叔明王元吉錢伯雲張夢辰金彥振元夕觀燈會於蕭塘隱
居景元舉酒屬客曰七人四百九十歲爲首句以燈字爲韻予
賦此時洪武乙丑也洪武十八年

京師得家書

七人四百九十歲吳家堂上看花燈皓首顰眉方滿座金盃玉碗出清水
三寸黃柑渾似蜜百壺春酒况如澠今日相逢總知己老夫歡喜欲飛騰
江水一千里家書十五行行行無別語只道早還鄉

寄家書

白髮時時脫青山處處同人行千里外書到五湖東

龍江夜行

細雨過江頭孤篷夜未休婦心與烟浪相逐下揚州

江上二首

野屋藏春樹江隄倚暮花買魚留楚客沽酒問吳娃
日暮江風急江花水上飛吳船三十丈載得夕陽歸

無題五首

門外青青州今年更覺深前時玉釵墮侍婢不能尋
海內雖無事朝中有諫書大家猶未省不敢候羊車
羊車行樂處歌吹隔蕭牆賴有隣房女時來說故鄉
月落長門去千門夜色濃夢間無限樂不道在宮中
春天裁剪罷密葉間穠花縫到鴛鴦處行行線脚斜

因何彥明賦入新效其體

新烟

覆堤初冉冉渡水尚遲遲一樹梨花色猶能似舊時

新水

柳外朝朝雨平添過舊痕往時桃葉渡今日更銷魂

新燕

乍拂芳池遠還窺繡幙重莫將花片蹴飛舞滿筵中

新艸

水邊春尚淺沙際葉纔穿拾翠雙雙女迢迢度碧烟

新鶯

芳樹何年到西園夢裏驚不須重聽汝只是舊時聲

新柳

淺色初含雨輕陰未過池黃昏四樓畔最是斷腸時

新蝶

怯露依芳蕙驚風入繡幙莫將羅扇撲更待滿園飛

新月

既從碧雲上復傍綺窗移願得長如此教人學画眉

江上二首

北固城頭夜雨西津渡口烟波白髮人人自老青山處處還多
山下旌旗閃閃江邊楊柳依依騎馬將軍遠戍吹簫漁翁醉婦

淮安道中

山陽城中細雨廣陵堤上飛花估客時時吹笛行人處處思家

郊居三首

西舍槽頭溜溜雨閑鳥弄關關數觥香醪獨酌一樹梨花半殘
日轉花陰傍戶雨餘山色沿堤一雙蝴蝶對舞幾箇鶯兒亂啼
荒園處處閑步小閑時時燕居阮籍惟思飲酒嵇康最嬾讀書

閑步二首

春園偶爾獨徃晚徑蕭然自還芳艸煙中冉冉落花風外斑斑
半雨半晴天氣半開半落山花半醉半醒遊客半村半郭人家

南京口號五首

君王觀闕倚天開盡出金山復壯哉率土再瞻龍虎氣高臺還見鳳凰來
程孟陽云直學李太白天機豪放他人不能及

聖帝明王德業尊，親爲清廟國西門。皇心自是超前古，況復貽謀及後昆。
放牛歸馬淨塵埃，地北天南道路開。火雞馴象時時貢，不數周家白雉來。
春雨初晴霽色開，天街風雨少塵埃。白面郎官調御馬，雙雙騎過午門來。
駕出東南正好春，山中艸木更精神。揚雄老去才情減，先新來獻賦人。
卽事二首

洛陽大賈愛名姬，富樂園中飲酒歸。千步長廊好騎馬，不愁春雨夜霑衣。
天街酒好不須言，絃管春風處處喧。舊傳北地鳴珂巷，得似南京富樂園。
石頭城晚望

落日依依下石頭，亂雲東望是蘇州。人間何似歸心切，獨有春江不斷流。
題龍江酒家二首

金陵美酒玉光浮，父老相傳最解愁。安得身無官府事，長年高卧竺家樓。
江上青帘映白沙，壚頭美酒玉無瑕。李白當年曾醉此，桃花落盡不思家。
朝天宮觀方道士所画三山圖三首

東流弱水不勝塵，漢武樓臺空自陳。欲借橫江孤鶴去，須憑南嶽魏夫人。
巨魚出沒浪波腥，東望三山路杳冥。安得秦皇射蛟手，爲操強弩下滄溟。

方壺少小學爲仙筆底三山豈偶然見說麻姑頭總白不知何用得長年

楊州逢李十二衍二首

與子相逢俱少年東吳城郭酒如川如今白髮知多少風雨楊州共被眠
寂憶東家水調聲花前檀板雜流鶯此時我醉君猶醒舞到梧桐白露生
重過黃渡有感

馬家宅畔無喬木徐氏門前芳艸多留得白頭漁父在年年長笛送滄波
淮西夜坐

蕭蕭風雨滿關河酒盡西樓聽雁過莫怪行人白頭盡異鄉秋色不勝多
李陵泣別圖

上林木落雁南飛萬里蕭條使節歸猶有交情兩行淚西風吹上漢臣衣
客中夜坐

落葉蕭蕭淮水長故園歸路更微茫一聲新雁三更雨何處行人不斷腸
城西送鄧生

千山風雪正霏霏君去金陵幾日歸鳳凰臺上還吹笛東望滄溟淚滿衣
夜至瓜州

瓜洲人家燈火微
瓜洲波上行人稀
敲門買得雙清酒
船在西陵逆浪歸
寄三江王六秀才

滄洲荷屋晚秋時
橘柚青黃滿戶垂
安得扁舟趁潮去
醉看江雨散輕絲
調鄭老

鄭老曾爲前代官
江湖相見獨飢寒
不道夜深霜露重
猶將玉笛倚闌干
送鄭老歸襄陽

我愛襄陽老鄭虔
高樓吹笛動秋烟
他時若有平安信
卽寄江東估客船
淮東逢張十二信

少年追逐共西東
吳邁文章馬亮弓
一自干戈零落盡
白頭淮海獨相逢
觀沙鷗

門外群鷗我所知
終朝相見不相離
借爾橋東楊柳岸
明年春日更添兒
江上寄嚴八

一春不見嚴夫子
底事城中不肯還
門外白鷗三萬箇
幾時相對綠波間
江上寄書

湘南估客發西津
東入姑蘇花正春
獨有相思數行字
欲從江海問情人

醉書壁

芙蓉花開滿高岸還如杜老蜀江邊田夫野客頻來看白酒黃雞不用錢

憶南湖

二首

我憶南湖春酒香百錢亦可解愁腸湖頭白藕猶堪愛正似佳人玉臂長
南湖沈叟愛吟詩詩似當年杜牧之一日干戈不相見令人雙髻欲成絲

浦口竹枝

浦上荷花生紫烟吳姬酒肆近人船更將荷葉包魚蟹老死江南不怨天

寄飄齋

不見飄齋心自苦金陵又復上金華茫茫春艸兼春水腸斷東風日易斜
訪張道士題壁

道士門前春日溫千重碧艸睡鵝羣山風忽送桃花雨濕遍床頭白練裙

歸來

京國歸來老更窮短衣蕭瑟怕秋風不知飢餓填溝壑日日吟哦江水東

寄錢彥德

故人別我山東去千里長淮復大河此日題詩付兒子白頭清淚不勝多

灌園

荒陂渺渺接連筒，葱葉青青芥葉紅。不道虞卿著書手，白頭衣食野人同。

送王御史東海監散竈丁工本

王郎五月赴鹽亭，十丈官船酒滿瓶。稍待涼風吹木葉，老夫東下看滄溟。

贈歌舞女童

漳河女子薦良童，名在先朝樂部中。記得教坊新隊子，江南江北舞春風。

已未九日對菊大醉戲作四首

洪武十二年

老夫愛此黃金蕊，兒子須將白酒賒。直到殘陽下天去，更添燈火照欹斜。
遮莫隣家酒已無，教兒更往遠村沽。老夫強健如平日，醉過三更不要扶。
只今何處無黃菊，醉着茅茨有幾人。賢婦稍能知此意，殺鷄爲黍莫辭貧。
縱道今年杆軸貧，乃翁才力不趨群。明朝若賣長門賦，還爾黃金一百斤。

風雨宿蕭山

東來山郭晚秋時，白酒黃柑興不衰。欲倩山陰王逸少，爲書風雨渡江詩。

送賀九成歸浙東兼簡王若水

賀老秋來憶鑑湖，荷花楊柳正扶疎。西過錢塘見王宰，東門今少種瓜圖。

瓜步夜泊

千里長江雨乍晴江頭燈火夜深明爲報高樓莫吹笛故園東望不勝情
江上逢邨老

鄭老形容今已癯江頭相見涕漣漣自說琴書零落盡獨餘次簡似桓伊
題老蛟化江叟吹笛圖

吳頭楚尾老髯翁千里烟波有故宮日暮江亭不歸去猶將玉笛倚秋風
城西送邵生

東望滄溟涕泗垂關中少婦亦霑衣他時若有相思字只寄春江燕子歸
登閣

水落淮南秋色空閒登高閣送歸鴻白頭老婦痴兒女盡在蕭條望眼中
調王生

門外桃花落漸多一雙新燕又來過寄語城東王貢士今年春酒味如何
題妓展僧僧像

不見秋娘今幾年水光山色自悠然月明樓上天如水猶憶梁州第四絃
寄顧文昭

最憶顧家池水湄千株苔石坐題詩如今又是三年別白髮蕭蕭只怕垂

過潯陽

夜泊潯陽江上沙扁舟何處載琵琶西風不管水流去依舊滿汀開荻花
諸公攜酒蘇臺餞別醉歸海上作此奉謝

吳王洲上百花開花下人人勸酒杯醉臥春江三百里不知月過海門來
附見表介

介字可潛凱之父其先自蜀來占籍華亭元末爲府椽作檢田吏一篇載於
陶九成輟耕錄今錄之於此觀其詞旨激昂沈痛知海叟之詩法蓋有自
來也

檢田吏一作踏災行

有一老翁如病起破衲毳毳瘦如鬼曉來扶向官道旁哀告行人乞錢米
時予奉檄離江城邂逅一見憐其貧倒囊贈與五升米試問何故爲窮民
老翁答言聽我語我是東鄉李福五我家無本爲經商只種官田三十畝
延祐七年三月初賣衣買得犂與鋤朝耕暮耘受苦要還私債輸官租
誰知六月至七月雨水絕無潮又竭欲求一點半點水却比農夫眼中血

滔滔黃浦如溝渠農家爭水如爭珠數車相接接不到稻田一旦成沙塗
官司八月受災狀我恐徵糧喫官棒相隨隣里去告災十石官糧望全放
當年隔岸分吉凶高田盡荒低田豐縣官不見高田旱將謂亦與低田同
文字下鄉如火速逼我將田都首伏只因嘆我不肯首却把我田批作熟
太平九月開旱倉主首貧乏無可償男名阿孫女阿惜逼我嫁賣賠官糧
阿孫賣與運糧戶卽日不知在何處可憐阿惜猶未笄嫁向湖州山裏去
我今年已七十奇饑無口食寒無衣東求西乞度殘喘無因早向黃泉歸
旋言旋拭腮邊淚我忽驚慚汗沾背老翁老翁勿復言我是今年檢田吏

列朝詩集

甲集第三